

ርእሰ ኢሰያስ ወረቀት ሽቅል ሰቦ ሰፊ ልተክበት

ርእሰ ኢሰያስ አፈወርቂ ማሌ 17 ዲሰምበር ወርቀት ሽቅል 4 ዳይማም ለብሉቱም 7 ሰፊ ልተክበት።

እት መከበቱ ጋሽ ደንደን እትለገሉት ዓደት ወረቀቱም ለሰለመው ሱፊረኤ፡ ሰፊ ጀሁርየት ትርክ መሀመት ኩኩክሳሳ፡ መመቅረሳይት መአሰሳት ምጅልስ ቅራን ናህለ ሻልጂ፡ ሰፊ ጀምሁርየት መሰር መሐመድ ሓትም አልወጠዋ፡ ሰፊ ጀምሁርየት ሽዑብ ቻይነ ሊ ሽድንግ፡ ሰፊ መምለከት ቤልጃም ፒተር ማደሰን፡ ሰፊ እሰላምየት ጀምሁርየት ኢራን ዶክቶር ዐሊ ጉላምፑር፡ ክምሰልሁመ ሰፊ መምለከት ኔዘርላንድስ ሄንክ ጃን ቤከር ቶም።

ርእሰ ኢሰያስ እግል ሰፊ ጀምሁርየት ትርክ እተ ትከበተ ዲቡ ወክድ፡ እብ ክሰስ ፍንጌ ክልኢተን ድወል ለህሌት ዕላቀት ወዲብ ምስተቅበል እግል አደቀቦተ እግል ልትነሰእ ለቡ ምስዳራት አፍካር ትባደለው።

ሰፊ ጀምሁርየት መሰር

መሐመድ ሓትም አልወጠዋ ወረቀት ሽቅሉ ዶል ሰለመ፡ ፍንጌ ማርሐት ኤረትርየ ወመሰር እት አስመረ ወካይር እግል ጉብአ ምህም ልቃኣት እንዴ ዘክራ፡ መናጥቅ ቀር አፍራቀ፡ በሐር ቀየሕ ወመዳንን ኒል ዲብ ምዕራፍ ሐዳስ ናይ መዓወነት ወሽራኩት እግል ዐደዮቱ፡ ፍንጌ ኤረትርየ፡ ሶማል ወመሰር ለትአንበተ፡ መፋህማት ሰላሲ ዝደደት እግል ልደቀብ፡ እት ወቅት ቅሩብ ውዘረኤ ካርጅየት ምስል እግል ለአምሐብር እት መፋህመት ትበጸሐ።

ርእሰ ኢሰያስ ወሰፊር ጀምሁርየት ሽዑብ ቻይነ ሊ ሽድንግ እተ ወደዉ ህድግ ህዩ፡ ፍንጌ ኤረትርየ ወጀምሁርየት ሽዑብ ቻይነ ለጸንሐት ምስንዮት ተእሪከይት ዲብ መጃላት ዓፍየት ጣቀት፡ ብንዮት ተሓቲት፡ ሐርስ ውበዕድ እትለ ትጉብእ ሰዳይት ሕድ፡ እግል አተረዶተ ለህለ መዳላይ ተኣከደ።

ርእሰ ኢሰያስ ወረቀት ሽቅል መመቅረሳይት መአሰሳት ምጅልስ ቅራን ዲብ ኤረትርየ



ሰላሲ ሻልጂ ዓብደልጃደር

ናህለ ሻልጂ ዶል ትከበተ፡ ምጅልስ ቅራን እግል ልትሐደስ ወሐቅፋይ እግል ልግበእ፡ እብ ሰሚት ሐፍዛይ ሰላም ለፈግር ማል ብዙሕ፡ ዲብ መሻፊዕ ዐማር እግል ልውዐል፡ ክምሰልሁመ ወቅት ለጠልቡ ሰላላት ገባይል በሊስ እተ ረክብ እቲ መጃላት ክም ክድመት ዓፍየት ውበዕድ

ክዳማት እት አካናት ግምጩይ እግል ልሸቄ ትላከ።

ርእሰ ኢሰያስ፡ ወረቀት ሽቅል ሰፊ መምለከት ቤልጃም፡ እሰላምየት ጀምሁርየት ኢራን ወሰፊር መምለከት ኔዘርላንድስ እተ ትከበተ እቲ ወክድ ህዩ፡ ዲብ አደቃብ ዕላቃት ክልኢቲ ጀሃት ክምሰልሁመ ቀድያት መንጠቀት

ወተጠውራቲ ህድገ።

ለሰፊረኤ እግል ኤሪነ እተ ሀበወ ሐብሬ፡ ዕላቃት ድወሎም ምስል ኤረትርየ እግል ለአዳብር ወእግል ለአፍየሐ ክምሰልሁመ ሰላም ወመስኩበት እለ መንጠቀት እግል ትትኣከድ ምስል ሰብ መዝ ኤረትርየ ክም ሸቄ አከደው።

መ.ወ.አ.አ.ኤ ዲብ በራምጅ ጠወርት አንሳት ህድገ



ሰላሲ ሻልጂ ገንብ

መሕበር ወጠን አዋልድ አንሳት ኤረትርየ ዲብ ዮም 13 ዲሰምበር ዲብ አስመረ ዲብ ወደዩ እጅትመዕ፡ ዲብ ተቅሪር ፈዓልየት በራምጅ ልጅነት ተጠውር አዋልድ አንሳት እብ ደረጃት አቃሊም ህድገ።

ዲብ እጅትመዕ፡ እግል ክሉ ተጠውራት አዋልድ አንሳት ለአመመ፡ ዲብ ሰነት 2024 ናይለ ትሰርገለ እቅትሳድያይ፡ መሕበራይ ወመትዛም ናይለ ትሰርገለ ወራታትተቅሪር፡ ምስለ ዐለ ሐሶታት ወመታክል እንዴ ቀርቦ እብ ፋዬሕ ተህደገ እቲ።

ርእሰት መሕበር ወጠን

አዋልድ አንሳት ኤረትርየ አሰይደ ተክኢ ተሰፋሚኣኤል ዲብ ቀደመተ ከለመት፡ ልጅነት ጠወርት አዋልድ አንሳት፡ ዲብ አቃሊም ለልትሐመድ ወቀይ ክምሰል ሰርገለት እንዴ አሸረት፡ ዲብ ሰነት 2025 እበትወቀለ መቅርሕ ሰብ ሽራኩት ወጀሃት እግል ለአተላላይ አትፋቀደት።

አሰይደ ተክኢ እንዴ አትሌት፡ ዲብ ክሉ ለጉብአ በራምጅ - መሻረከት ሙደረእ ለልትሐመድ ክምሰል ዐለ እንዴ አትፋቀደት፡ እግል ህለ ተሐዲ ወመቅደረት መሕበር ዲብ ጌማም እንዴ አተ መትመዳድ መሻርከት ወጀሃት

እግል አውሰዶት እግል ልትከደም እቲ ክምቱ ሸርሐ።

ዲብ ደንጎቤ ለትከሰበት ተጅርቦት እንዴ ተሐፈዘት፡ ርትብት መታበዕት ወመራቀበት በራምጅ እግል ልግበእ፡ ህዳይ ተሐት ዕምር መጃዘዩ አዋጅ እግል ልግበእ እቲ፡ መውዐለ አግሩዝ ዲብ አካን ሽቅል እህትማም ፍንቱይ እግል ልተህየቡ፡ መሻረከት ለከሰሰም ጀሃት ዲብ ቅደይ አዋልድ አንሳት እግል ሊዚድ፡ ክምሰልሁመ ፈዛዕት አዋልድ አንሳት ወመጅትመዕ ለወቅል ተዕቢኣት እግል ልደቀብ ለልብል ውበዕድ ፊናታት እብ መሻርከት ትቀደመ።

መክተብ ጀብህት ሽዕብየት እግል ዲሞቅራጥየት ወዕዳለት አቅሊም ዐንሰበ ጌማም ሽቅል ወደ

መክተብ ጀብህት ሽዕብየት እግል ዲሞቅራጥየት ወዕዳለት አቅሊም ዐንሰበ፡ ዲብ ዮም 13 ወ14 ዲሰምበር ዲብ መዳነት ከረን ናይ ሰነት ጌማም ሽቅል ወደ።

ዲብ ትቀደመ ተቅሪር፡ ሽቃለ ሕኩመት ዲብ ሐልፈ ሰኖታት እበ ትደቀቡ፡ ዲብ ናይ ሰያሰት ወመትዛም ቅደይ እብ ክለ ሐለቶም ክምሰል ሸቄ፡ ዲብ ሰዳይት ዓይላት ሹህድ፡ ወራታት ኬወ ወንዙም ምህር ሰያሰት ለልትሐመድ ወቀይ ክምሰል ትሰረገለ ትሸረሐ።

እት በራምጅ ሰነት 2025 እበ ከሰስ ህዩ፡ ሕርያን መስኡሊን ደዋዬሕ ወልጃን ደገጊት ምን አግደ ክምሰል ቶም ትወደሐ።

መሻርከት ዲብ ሀበወ ረኣይ፡ አክትብት ምህር ሰያሰት እግል ልብዘሕ፡ በቃዕት ተዕለም እግል አሰናይ ምስዳር እግል ትትነሰእ፡ ክድመት ወጀዶት ማይ ለኢበጽሐዩ ደገጊት እህትማም እግል ልተህየቡ፡ ወጀዶይት ጣቀት ጋዝ እግል ወቀሎት እግል ልትከደም፡ ክምሰልሁመ ናይ መራቀበት አብሳር እብ መትሐሳር እግል ልትረኤ ለልብል አረኢ ወፊናታት አተሐላለፈው።

ዲብ ደንጎቤ፡ ዲብ መጃላት ሰያሰት፡ መትዛም፡ እቅትሳድ ወዓዳት ልሰርገል ለህለ ወራታት እግል ልደቀብ፡ ለአትፋቀደ ሰክርቴር ጀብህት ሽዕብየት እግል ዲሞቅራጥየት ወዕዳለት ዲብ አቅሊም አሰይድ ህይሌ ተወልደብርሃን፡ ዲብ ከደማት እጅትማዕየት እብ ዓመት፡ ወጀዶት ማይ፡ ተዕለም፡ ዓፍየት፡ አግቡይ ወተለፎናይ ሞባይል ህዩ እብ ፍንቱይ ለህለ ጠለብ እግል ልትመም፡ ክል ጀህት ከዶረ እግል ተአግዴ አትፋቀደ።



ሓይሰ ርኢሰ ኢሰያሰ አፍወርቂ፡ እት የም 30 ኖቨምበር፡ ተዋልል ሕርያን ረኣሰት ሐዳሰ እት አሜሪካ፡ ቅድሚት ሱዳን ወተጠውራተ፡ ተዋልል ፈንጨጋር አቶብዩ፡ ወዓም ሄራር ዐማር ወጠን ለትከሰሰ መቃብለት ምስል ሰሕፍዩን ዓማታት አክባር ቀበት-ዐድ ዋዲ ዐለ። ከቀድሞት ሱዳን ወተጠውራተ ለአብረሀ እቱ 3^ይ ክፊል እግል ንርኤ።

ሰአል፡ ሓይሰ ርኢሰ ሽዑብ አቶብዩ እብ ለኢሉትካርም ነዐር መስከብት በዴት ምን። እት ረኣሰው ፍንጌ ሶማል ወአቶብዩ እብ ቀድሞት ሶማሊኣንድ ለቴለል ሰዱድ ሀሌ። ገሌ ጀሃት ሀዩ ለፍንጌ ኤረትርዩ፡ መስር ወሶማል ለገብአ ልቃእ ሰለሰ(ሰላሊ)፡ ከም ድድ አቶብዩ ለትወጀህ እንዴ ወደው ልትሃገው፡ ከእብ ክሰሰ እሊ ሚ ትብል፤

በሊሱ፡ አቶብዩ ልትበህል ለሀለ አርእሰ ገናድ ቱ። ምስል እሊ፡ መሕበራይ መትራከቢ (social media) ወብዕድ ዓማት አክባርመ ልብ እንዴ ከፊክ ታብቦቱ ለአትሐዜ፡ መብዝሐ ክም ትቀዌ ወተሀዌ ለወዳኪ ሐብሬ ጭዊት ወሽንኪት ለሸርፍ ዎር ጅንስ ምን ጽዋር ቱ። “ድድ አቶብዩ” ልብል እከ። “አየ አቶብዩት ለእለ ትብል ሀሌከ” ወእቤሎ እግለ ክምስልህ ልብል ሀሌ። እብ አማን ረሕመት አቶብዩት ተአብሰካት ለሀሌት መፍንገር እግል ተኣቱ ተሐዜ ሀሌከ፤ አዜ ሀዩ ሰልሲተን አመሕበረየ ወገመዩ፡ እንዴ ትቤ ፍስር ናይከ ዲብ ተአመጽኤ፡ ሐብሬ እት ትሸናኪ፡ ፍተን ዝርኣት ለትሰረረተ ሀደፍ ብዕድ ኢሀለ። እሊ፡ ሐቱ እሻረት ምን አጃንዳት ካርጅ ተ። እብ አማን ዎር ሕሱር እግለ ቴለል እብ ገበዩ ለቀርአዩ እት ክምእነ ትመስል ክላሳት ወበጽሐ መስለከ፤ መስር፡ ኤረትርዩ ወሶማል ሰልሲተን ምስል ድድ አየ አቶብዩ እግል ልሸቀዩ፤ ሚ ትብሎ ሀሌኩም እንዴ ቤለ ለልትሰአል ሰበት አለቡ ክም ልሙድ እንዴ ትነሰአ ቤለ ወትበህል እንዴ ገብአ ተርፍ። እግል እሊ ዲብ ሸፍቶ ለልውዕሎ ሽሃዳት ገዛይፍ ለሶም ኣምራም ሕነ ለልብሎ ሀለው። ለጋራት እግልሚ እብለ ወጀህ

መቃብለት ርኢሰ ኢሰያሰ (3^ይ ክፋል)

ለሰኔ ወቤንያይ ኢልርእው፤ አጃንዳት ብዕድ ምን ሀለ እሎም ቱ።

ለአመሕባርክ፡ ጀለ መስከብት መንጠቀት፡ መሻክል አግዋርነ ክም ሶማል ወሶዳን እግል ልትባለሕ ለአመማቱ። ሐዲሰ ሀዩ ኢኮን። መስኡሊን ምን እለ አሰክ መስር ዲብ እንገይሰ ወምን መስር እትለ እት መጽኦ ንሀድግ እቱ ለዐልፍቱ። መስከብት ወኢመስከብት ሚተን፡ ክም ሐዜክ ወሰፍ እግል ተሀቡ ትቀድር። ሕነ ለእንብለ ላኪን፡ አምር ሚዛኑ የዐቅብ ምንገብእ ኢመስከብት ለአመጽኤ፡ ሰበት እሊ እተ መንጠቀት

ኢኮን። ለመንጠቀት አርዛቅ ማይ ቤ እዳረቱ ከአፎ እግል ትግበእ ብእታቱ ድኢኮን መስከለት ማይ እግልሚ ተአትናዜዕ። ለእክኡይ እበዩ መጽእ ሀሌ፤ መስር ወኤረትርዩ እንዴ ትሻረከዩ ድድ አቶብዩ በዋረየ ልትበህል ለሀለ ሀገጊ ምስል ሚሌንዩም ዳም ወኒል እግል አትጸበጦቱ ቱ። እብ ክሰሰ ኒል ብዙሕቱ ለልትበህል። እሎም አዜ ሀለው የምክን ኢለአሙሩ፡ ሐቱ እግል እድገም እከ።

እት ንዳል ዲብ ሀሌን ዎር መሸሩዕ ናይ ጣነ በለሰ ትገብሰ። ለሸቅል ሳሊኒ ለትበህል ሽሪከት ዳብጠቱ ዐለት።



ለሀለዩ አግዋር ክለን ሐዙተን እግል ሊደየ ሀሌት እለን። እትለ መንጠቀት እለ መስር፡ ሰዑድየ ወለብዕዳት ናየንተ እግል ሊደየ ብእተን። ለምን ከደን-ከደን መጽእ ወእግል አትባዶእ ካርጅ ባባት ለአርሔ ለሀለ ቴለል እግል ንራቅቦ ወመሻክልነ ኖስከ እግል ንባልሕ ብከ። ለገብአ አርእሰ እግል ልምጸእ ቀድር። መስከለት ሚሌንዩም ዳም(ከዛን ሚሌንዩም)፡ መዳንን ኒል (ናይል ቤይዚን) ለመስል መሻክል ሀሌ። መስር ወሱዳን እለ ቤለየ ወእለ ተርከየ ወአቶብዩ ክምእን እግል ትግበእቱ ለልትበህል ሀገጊ 30 ሰነት ሰምዐናሁ ወመሸግናሁ። እትሊ አርእሰ እሊ አምር ሐዲሰ እግል ነአምጽኦ

ለመሸሩዕ ሚ ዐለ ሀደፋ አክልሕድ እሙር ኢኮን። ለልትበህል ብዙሕ ቱ። መስር ትርዐት እንዴ ሸቂት እብ ከናል ሰዌጽ እንዴ አበለት ምን ኒል ማይ እት እስራኤል እግል ተአዝቤቱ፤ ወእለ ትርዐት ለትሸቂ ሸሪከት ሳሊኒ ተ ለልብል ሀገጊ ዎር ምን እት ሰልፍ 90ታት ልትበህል ለዐላቱ። እት 1993 ኣነ ወመለሰ (መለሰ ዜናዊ) እግል አወል መረትነ እት እጅትመዕ መዝመት ውሕደት አፍሪቀ እግል ንሻርክ አልቻህረ ጊሰከ። እሊ እደግሙ ለሀሌኩ፡ አዳም ሚቱ ሚሌንዩም ዳም ወመዳንን ኒል እግል ለአምር ምን ሐዜኮቱ። ከመለሰ “ሰወከ ሚ ኢሰወከ” ቤሌኒ። ሰመዕ ላቱ ብዙሕ እንሰማዕ አህ ሚቱ እቤሎ። “መስር ዲብ እስራኤል ማይ እግል ተአዝቤቱ፤ ኣነ እግል እርከቦም ወእትሃገዮም ቱ” ቤሌኒ። እንተ መለሱ፡ ሕነ እግል አወል መረት ቱ እትሊ እጅትመዕ እንሻርክ ለሀሌከ ወእግል ቅደይ ብዕድ ማጽኦም ሕከ። እት ህዋዩ ቤለ ወትበህል እንዴ ተንክብከ እግል ትትሃጌ ኢለአትሐዜ። ቅደይ ዐበዩ ብከ፡ እሊ እንዴ አምዴነ ምን እንገይሰ ለሐይሰነ እቤሎ። “አማንካቱ” ቤሌኒ። ኤታን አደሐ እንዴ ተመ እት ሳሌን ዐሩፋም ዲብ ሕነ ንኩድ ዲብ እንቱ መጽኤ። ሚቱ መለሰ ሚ ጀፊት እትከ ምን እቤሎ “ክምለ እለ ቴልከኒ በደል እወዴ እት ዕመር ሱሌማን ጊሰከ ከተሃንከወ።”

እንተ መለሰ እሊ ኢለትሐዜናኒ ብሁላም እንዴ ዐልነ ወሰኒ እንዴ ቴልከኒ እለ ቴልካሁ፤” እቤሎ።

“ሚ ቤሌኒ ተአምር፤”

ከንዶእ ኣነ ሚ ደሌኩ፡ ማይ እት እስራኤል ተአዝቡ ሀሌኩም እግል ቲብሎ አህምየት አለቡ፡ ኣካኑ ኢኮን ወእቡ ልትረፈዕ ምስምሰ ኢሀለ እለ እግልሚ ወዳካህ! እቤሎ።

“ወሚ ቤሌኒ መስለከ፤”

አህ ሚ ቤሌከ፤

“እንተ ምን እንተ፤ ቤሌኒ፡ እዘም ምኑ እንታዲ፡ እግል አርእዮምቱ፡ እግል አጃግሎም ቱ” ቤሌኒ። እለ እግል አርእዮምቱ እንዴ ትገይሰ ዐለት፡ አትሐደሶት ቅዋት ጀው አቶብዩ መጽኤ። ሚ አትሐዜ፡ ሐለት ድፋዕነ

አጃንደት “ድድ አቶብዩ” መዕነት ክም አለባ ቱ። አቶብዩ ሚ ወዴት፡ ሰላም ወመስከብት ኢለአሰትህለ። ሰብ ሸርከት እንዴ ትላኬነ ሰካብ ክልአተ ሚ ትካፊነ ዲቡ፤ ሐቱ ሰብ ኣለብከ። ሰዳየት ወአትካማል ሕድ ለመስል አጃንዳት ሀለ ምንገብእ ላኪን ምስል ክሉ ትትሃጌ እቡ ወተሀርሱ።

እሊቱ ለሸናካይ ወነዋናይ ሐብሬ። እሊ እምበል አትካራም ዶል ልትደጋገም፡ እግል አጃንዳት ካርጅ እግል ልትወጤ ከፎ ፍትነት ወፈንጨጋር ትዘርእ ወእሉ ተአትመቃፊሕ እግሎም ሸቅል ቀሊልቱ። ዶልከ ክም አክባር እንዴ አተምሰልከ እለ ፍላን ትከሰስተ እት ልትበህል ልትሸቂ። መስር አጃንደቶም እግል ተሀሌ እሎም ትቀድር ወሐቅ ሰዶዲ ብእቶም። ሕነ ሀዩ እት በእሰ ወፈንጨጋር ለቀሰበነ አለቡ። የም ፍንጌር ወፈንጠሮት ሸቅል ጋብእ ሀሌ። ምን ዎር ማል ትከበት ከእግል አጃንደቱ ትከድም፡ ብዕዳም ክም ሀበወከ ሀዩ ክምስልህ ከሊማት ተሐፊ። ትደጋግሙ ወእት ክሉ ክም በጼሕ ትወድዩ። ምን ክትረት ደጋጋም ክም አማን ልትነሰእ ወእቡ አጃንደት ትረስም። እትሊ መስል ትልህየ እግል ኢንኦቱ ሄራር ረደም ክቱራም ሰበት ሕነ ኢንትፈገዕ እሉ። እሊ ዕላቃት እሊ ምስል ሓለት አቶብዩ ለተአዳብዋ አለቡ። ለደውለት እግል ኖሰ እት ፍንቲት ሓለት መስደድ ዲብ እንተ፡ ሓለተ እግል ትኬልም ለትትሐረክ እቡ ምስምሰ ሚ ሀሌ፤ ሓለት አቶብዩ ተአሰፍ ሀሌት ምንገብእ ከአፎ ሐል ንባሰር፡ እለ እንዴ ትቤ መትጋማይ ዔብ ኢኮን ወምስጠር። ሕድ እንዴ ትላኬነ እንዴ ትሻረከከ ድድ አቶብዩ እግል ንሸቂቱ ለልብል ላኪን፡ ረኣሱ ለዶረ ምን ኢገብእ ዐሩይ ለልሐሰዎ ኢኮን።

እሊ እብ ገበይ ወሳኦል አዕላምነ ልግበእ ወእብ ብዕድ አግቡይ ለእንወድዩ ተዕቢኣት እግል ንጋብሆ ለብናቱ። ዳኢመን አቀውየት፡ ሸንክየት ወተዊ ሐብሬ ዓዳት ጋብእ ሀሌ። እትሊ ክድመት ተአትሐዜከ። እሊ ሕሰይቱ፡ ወለአማን እለ ወእላተ እንዴ እንበ፡ አማን እግል ነአትአምር ብከ። እግለ ገብአ እጅትማዕ እንዴ ዐጨርክ አሰክ ሐቱ ልእክት ተአረትዖ ምስሉ አክባር እንዴ ትቤ ብዕደት ትረቂዕ እቱ። እብሊ ሀዩ እተ አዳም መበገሰ ነዐር ለገብእ እከ ሸኩክ ወየአማንት ሕድ ትከልቅ።

እሊ ክሉ ናይ ከዛን ሚሌንዩም ወናይ ኒል ልትበህል ለሀለ አጃንዳት፡ ለሰብኡ ኢሀለ እቱ፡ አጃንዳት ካርጅ ቱ። መንጠቀትነ እግል ኢትሰከብ፡ እሳት እግል ትቀረሕ እተ ገብእ ለሀላቱ፡ ሕነ ሀዩ ክሉሕ እግል ኒበሉ ይእንቀድር። እንጋብሁ፡ አማን ቅብላት ሐሰት ዲብ ነአመጽኤ፡ አዳም እብሊ ልፍህመ ዲብ ነአቀርብ፡ እት በናይ ወናፊዕ ላቱ እትጀህ እንዋሌ። ዲብ ኢጢሾነ ኢንትዐገል። ወቅትነ እት ተሕ ወመንተሕ ኢንሓልፍ፡ ላኪን ሕሰይ እት ለዐምም ዕንታትነ እንዴ አቀመጭነ ወእዘንነ እንዴ ደናቤነ ኢንትገቤ።

ጸረተርዮ፡ ጽሑፍ

ክል አርቡዕ ለትጠበዕ ጀሪደት

መዳልያይ፡-
- መሐመድ እድሪስ

ለይኣውት ወአርተዖት
* ዘሀረ ዐሊ
* ፋዋነ ኣድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውገዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

፪ኛ ክፈል

ጀህራይ ፈጅር ሓሪት ደለ እበ እግለ ልትበገስ ሐዘ ህተ ትቀዌት እቱ። ሓሁ ረአሰ ለዐል እግል ኢልክሰኡ፡ መውዐለ ደብር ሰበት ገብኤ፡ ሀራኦት ወብጽዐ ፈርህ እተ፡ ፡ እት ደንገበ ህዬ፡ ሸንክት ቀላቅል እግል ኢልክሰኡ መውዕለ ቀላቅል አመትለ እት ልቡ ኦካን ዐባይ ሃይበ ለዐለ እትዬ አመተ ኢሰኦ እቱ። ሕዩር እት እንቱ፡ ፍርዱ እት ሕክም ልቡ እንዴ ወደዬ፡ ሸንክተ ምን ብጽዐ ወሀራኦት ለአፈርሁ ደብር፡ ረአየት እትዬ ለዐበ ቀርዱ ወዳዩ ሰበት ወደዬ፡ እግለ ሓሁ ሰልፈ እንዴ መርሐ እግለ ዌድ ኡክ ሸላሊት፡ ደሐን እተይ። (ኦላ መዕቡድ ኦላ! ረቢ ላእላህ እለ ኦላህ) እት ልብል ተሊለት ተብረሰት እበ መርሐዬ።

አቡሀ እግል እትዬ፡ ወለቱ አስክ ንዋት ተብረሰተ ትሰኦ እግለ ሰልፍለ አግለ ሸንክትለ ታኪ ደብር ምስከት ወመጢጤ ምን መድረሱ ፈሰዩ እግለ። ከእግለ እዳለ ገለቡ ረአሰለ ክልኦት ሐጅብለ ዕንታቱ እት ለኦትሐግዮን፡ ምን እንጮጫይለ ጸሓይ ለምን ፍግረተ ሕፍን ለዐለት፡ እግል ወለቱ ልታብት ሓዘ መስለኒ ወለናይ ማሌ ሄረራቱ ክምስል ሾከት ነጋድ ቀስ እት ተኦብሉ፡ እተ ቀዐረተ ንዋይ ኬን ወእንሰር አንጠዋራረ ወሐር ዋልዳይ ክብዱ እት ክልኤ ኢኮን ክፍልተ፡ እብ ክእኒ አትግለሰዩ።

“ግድም አቦቼ፡ እንቲ ታቡቶት ለኦትሐዚ ሚ እንቲ። ቀደም ዝላም ወጽሓይ ወላሊ አግልኪ መውዕሉ ክምስል በጽሐ ገእ አቢሉ ክልትዳንን እግልኪ። ዝላም ወላሊ ክልኤ ከራዊተን። ቶናይ ዝላም እት መቅጠኑ ገብኦት ምንዲ ገብእ ህቱ ኢልትአንሰስ ወእንቲ ኢትቀንኢ፡ ወላሊመ ክመ እተ ክምስልህ፡ ድራር አው ምንዲ ትወድዩ እንቲ ኢትሰልሚ ወህቱ ኢልትአንሰስ ወመውዕላዩ ኢቀንጽ ዐመቼ። ላመ ምስል እምኪ ተቅለምበቅ ተኦብለን ለትመዬት እምበል ፈርህት እትኪ ወእት ሴርኪ ተ። ክልብ ለእበ ነብሕ ፈርህት እት ርሐ ተ ልብሉ ሱብ መሰል። አዜመ ዕንኪ ሐቱ ሰመ ግንሐ እበ ወካልእ ዕንኪ መሶት ምድር አታይኒ እምዬ። አናመ ለእበ ጀርተም እብል ትመዬት፡ ፈርህት እትኪተ ሐልቼ” ቤለዩ እግል ወለቱ እትዬ እሰልፍ አቦቶ፡ ወሐር ይመ፡ ወአሰረ ዐመቶ ወሐልቶ እት ልብል እበ ፈትዮን እማቱ አትዓለለዩ። ለምን ማጽአተ ከንዶእ ኩብድ ዋልዳይ እብ ሐቱ ላቱ ኢትደዌ። ሐቆ እሊ ለእግሉ ሰምዐን ቤለዩ፡ አስክለ እተ ልትበገስ ለዐለ ሓሁ ቅንጽ ወደ ምን አፊትለ ያልሌ ለእትዬ ወእመ ለዐለዩ እቱ።

እመ እት ብእስ እንዴ ኢትብልሰ ወእግል ወለተ እትዬ እት ትሓሰሱ፡ እግለ ምዕሸርለ ሕሳት እግለ ዝብደት ምስል መሐሰብ ወሾከሪ ወቅርንፍል እት አሕድ እግል ትሓብሩ እበ እዳለ ማነ እት አሕድ

ደንግኤ ወመንደካይ

ራፈተቱ። እብ ክእኒ ለመሰል አሰሉብ ህታመ ወለተ ታብተት ወመክረት።

“አቡኪ ህግያሁ እዝን ካርዮት እግለ ህሌኪ ሰንደለት!፡ ምምሳይን ማሌ ለእግሉ ርኤኪቱ። በዲር እብ ሀላግ፡ ወሀም ገም ደሚርኩ፡ እት እንፈትሕ ወነአሰር፡ ምሴት ዐዶ ወከሲም ትግበእ። ሐፊመ ምስል አቡኪ ተቅለምበቅ እት ንትበህል ምሴት አባይ ወኢፈታይ ትግበእ። እንቲ ህዬ እብ ዐቢሁ ሓለትኪ ለእግለ ርኤኪቱ፡ ገህፍ ወገረፍ አሰክ እለ ሓልፍኪ የሀሉ። እሊ መቅጠንኪ ልባስ ሚ ሀለ እቱ ልትሸውጠኪ አምሴት ዓዘረት እት ገርብኪ አቴት እግልኪ ከለም መርዒ። አንሳይት ግርብ ልክህል አለበ ከለም ወጅሁተ። ዮምመ ምንዲ ኢደረኪ ፈጅር ለህሌት እግልኪ ተኦኪ እትኪ። ሕናመ ወአቡኪ መባልሰን ለእግሉ ትሰምዒ ትመዬኪ ቱ። ክለን እብ አሰባብኪ አሕድ እንበልዕ አምሴት። አዜ ፍሪቼ ክምሰለ እግለ ልብለኪ ለጸንሐ፡ ዕንኪ ሐቱ ንዋኪ አትውዕሊ እቤ ወዕንኪ ሐቱ አዋይን ዝላም ወመሶት እዋን ራቅቢ እቤ። አቡኪ ህዬ ሐፊ ለቀልቡ ናስሕ ቱ እንዴ ኢኮን፡ ሐቆ አፍሁ ፈትሕ ላቱ ወድሐንክ አለቡ፡ ቴለ ከለ ከእግለ ጋምለት መሃይ-ቲበለ እብ ሕሳት ክምስል ትጨክክ ወእብ ቅዲት ሀንን ክምስል ትወዴ ሓሰሰተ እግለ፡ ፡

እትዬ እግል ተብረሰት ደሚረ ፋርሕ እት እንቱ ወገጽ ፍሱሰ “ሰኒ! ይማዬ። ረቢ ህዬ እሊ አቡዬ ለመራግም ልብተኩ ምኑ” ቴለ ከንዋት ተብረሰተ ትማጤት ከትከማከመት።

እትዬ ሞራሀ እት እዳህ እንዴ ነስኦት፡ እግለ ሀዌታይለ መስተዩ እት ፎቃዩ፡ ራፍዐቱ እት እንተ፡ ሕሳትለ ረአሰ ሰረ ለዝብደት፡ ጭግር እንዴ ኢሰቲዩ ጸዐደ እት እንቱ ወሰረ ህዬ ዕፈውኒ ልብል ለሀለ እት መሰል እትለ እንጮጭሓይለ ጸሓይለ ፈጅር እት ለአንጨዋርሕ እግል ተብረሰት አሰረ ደነግብለ አግል እግለ ታክዮት ሰጋደት ትፍገር፡ ረአሰ ለዐል ወአተንከበት።

ለበዐለ በክት ልብሉ ለዐለ ጀህራይ ዙቲህ እበ ክልኦት ጀፈሩ ለእተ ክልኤ ፎቃይለ መሃይ-ቲበለ ልትከረየ እቱ ለዐለ እበ ሕሳት ለክልኤ ፎቃዩ ደገል እንዴ ሰተ ዝያድ ምን ካልእ ሕብርለ ዙቲህ ሕብሩ ጸሊም ወጃናይ ሳቲ ለሀለ መሰል ዐለ። ላመ ረያም ድቤራትለ ገኖ ለእበ ዓዳተ እንዴ ትከፊት ሸንክ ጸሎህ አድሩሪት ለዐለት፡ እት መዐንደቂተ (ዐብደለ ነኒ) ወለ ዙቲህ ክምስል ሸራብት እሻረት አሰረ ዋድዮት እተን ዐለት።

ኦኑዮት አሰላፋቱ አሰክ መዓላቱ በጽሐ፡ እትዬ ሐንገለ እበ እት ልበ እት በል-ሸም ኦካን ዐባይ ለሀለቱ፡ ጀህራይ ወላሊ ፍንጌህ ወፍንጌ

ሰካበ እንዴ ገብኦ ሐንገለ ምስል ሱረት ከያሉ ለዐርግ ወልትከሬ ለትመዩ፡ አዜመ እት መዓለ እግል ትርአዩ እት ትሐዜ እግለ ታክዮት ሰጋደት እት ሐጨር ወቅት እት ሰልፍ አግለ አወልወለት እተ።

እበ እግል ትሰመዐ ለተኦትናይተክ ክርንተ ህዬ ክርን ሕኖን ለትጥዕም ሕኖን ዝክር (ተሊለት) እት ትወዴ ቃሎተ እግለ ባካት ምን ጭምቡወ ባልሐቱ።

(እለ መዐቡድ ኦላህ፡ ረቢ ላእላህ! እለ ኦላህ፡ እምበሌክ ምን ሀለ!፡ እምበሌክ ክሉ ፋኒ ወዛውል፡ ሐይ መዐቡድ ኦላህ፡ ሸሪክ አለቡ፡ ወወዚር፡ ወዳዩ ክምስል ፈተ ወሐዘ ሞላይ!

ሞላይ ጸንሕ እንተ ወታርፍ፡



ወክሉ እምበሌክ ፋኒቱ ወሃልከ! ሐይ መዐቡድ ኦላህ!) ተ ትብል ለዐለት።

ጀህራይ እብ ዕንቱ አግል እትዬ ክምስል አቅመተ፡ ወእብ እዝኑ ሕኖን ንብዮዬ ዝክረ ወተሊለተ ክምስል ስምዐ፡ ሀንደገት ልቡ ድግ-ድግ እት ትብል ረቢ እብ ክልኤ እዝኑ አሰመዐዮተ። ህተ እግል ኖሰ ቅብላቱ ክምስል አወልወለት ህዩ ከንዶእ! ክለ ለእግለ ወዴ ባድዮት ምኑ እት እንተ እብ ክልኤ ምጭራቱ አርድ እብ ቅርሲሰ ወግዮም ወዝላም ትፍ እት ወዴ፡ ቀበሊት እብ ለሀበት ክልኦት መትዋይ ካራዩ። እግል ግያሰ ምንዲ ጃረበ እግሩ ቁዩድ ምኑ ክምስል ህለ ሐር ኢኮን ወቀደም ዋካሰ እግሉ አቤ። እሊ ሰድ እሊ እብ በኑ እት እንቱ ለእት ደሚሩ ልትረገስ እግሉ ለዐለ ሸዑር አብ አፍሁ አፍገረዩ ምኑ።

“አነ ውህር አነ! አፎ ክምእኒ ቀጣፋቼ እት አሕድ ትለዋለ!፡

አርወሐቱ ዶል ልትዓዩሪ፡ እበ እተ ወቅት ለሀይ ክምስል ዐዋዲ ሕሽመት አንሳይት እንዴ ትረኦ ወትፈሀመ፡ ልሙድ ለዐለ ክሸቦ አንሳት ወቃዩዶተን፡ ገቢልን ክእኒ ክምስል ዮም መደረቱ እንዴ ትፈሀመት ከምን ኬን ሕጹር እንዴ ኢልትወገር ክሸቦ አንሳት። ጀህራይ እግለ መሐልከ ጋብእ እቱ ለዐለ ዴሪር እትዬ እብ ወለት ክሸብት ወሐፊ ክልኤ እግረ እብ እዴ እንክሸብ ቁይድት ወሰፈ ዐለ። ጀህራይ አርወሐቱ፡ እት ለኦትዐግበ ወዶል እት ዳርክ አሰክ እትዬ ግያሰ ዐሰከሪ እሱር እት እዴ አባዩ፡ እት መሰል፡ ጅብር ወጌለሊት እት እንቱ ምን ቅሩብ ረዩመ ሸኦገዩ ከተቀም እብ ህግዩ እግል ሊበል ምንመ ሐዜ፡ ክምሰለ መልክ አልሞት ሻበተ አርወሐት እት ለሀቀብቅብ ወልትራጀፍ፡ ምን ህግዩ እብ ደሚር ቀብላተ ፈትዩ ለዐለ እትዬ ግልቱ በልሰ።

መትራጃፋ ወፈርሀቱ እብ ቀራረት የዐለት ወሕማም ጽገዕ ሕሙም የዐለ፡ ብዋረት ወበሊስ ህግዩ እተ ክምስል መላእከት እት ወሰፍ ወድ ሚን አደመ ትትርኤ ለዐለት፡ ሉለት ወየሰረት ላተ እትዬ ወለት ሐመ ወብክር አብሀ ወእመ፡ እብ ሐሊብ ወሐሳስ ትሐነነት ወምኑ አሰክ እሊ ለእግሉ ባጽሐት ለዐለት ዕምር፡ ብጽሐኒ እቱ አሌሌት ወእቡ ዐቤት። ግርመተ ግርመት ጠቢዐት ሌግተ ምንዲመ ትገርም ወልብ መንደላይ ትሰልብ ወምን ኬን ግራዩ ተሓልፋ ሐቃ ቱ።


አይወ! ሻም ሰልፋ ቃይደኩ፡ ወምን ብለዕ ወስታይ አፋክ ጸይም ወልብክ ልትሰለብ ከመሸግ ወሃቱ ወዴኩ። ምን ጸገም ወፈዐል ወትርክ ድሚርክ ቀሴ ወእግርክ ኢትዓርፍ ወኢትትገሴ። መሐብርካመ ምን ህጅክ ወሰሓቅ ለአጨንቤ። ሻም! እሊ ዴሪር ለልትበህል ሰኒ መክሩህቱ። ሐያት ፍቲ እግል ፋቲ ላኪን ትዐበ ዕርፍ፡ ሰፍራህ ጽጋብ፡ ወፍንቲተ ዝክርያት ወሰፈላል ወሰርቤብ ተ!! አዜ እት ጀህራይ እበኑ ለመጽኦት ኢኮን ቀደሚሁመ ክም-ወክም? እንዴ እንቤ እግል ነዐልብ ወንሕብብ እንቀደር። ትምኔቶም እንዴ ኢበጽሐ ሄራር ሰፈሮም እት ርሕለት ሻማት ፍሬህ ወፍገሪተ እብ ዐዛብ ወአንኮላል ለአሰተብዴት ወእበ ለአከትምመ ሐዳም ኢኮን። ከቅሰት ዴሪር ድንግል ወመንደላይ እብ አየ ገራቢት እግል ቴሄርር ቱ ገብእ? ሰኒ ንታብዐ እንትምዲ። መዳግማዩ መ/አድም አብአረይ ነኦተላሌ ልብለን ሀለ።

ለነሃር ለሀ ትከፈለት፡ ለክልኦት ሱብለ ዴሪር ቀበሊት ክምስል ክልኦት ግንዳይ ኢቅሩብ ወኢረዩም ቅብላት አሕድ እንዴ ገብኦው ቶም ልትባጠሮ ለዐለው። ዐስተር ደበኒት ጸብዋ እግል ትላክፍ አሰተብዴት። እትዬ እግል ኢትምጸኦ ሐዩእ ወለት አንሳይት ክርዐተ። ጎማት ልበ ለልንጉይ ልብ ጀህራይ ጋብእ ለዐለ ሳምዐት ምንዲ ትገብእ ከንደእ እንዴ ኢኮን፡ ምን መትቀራቃብ ወሄራር እብ ሰር ነፍሱ፡ እብ ሰዐይ ክማም ወገብኦት እቱ። ላኪን ለሕሽመት እማተ ኢትከይድ አንሳይት ክል ዶል በህል ልበ ኢትተሌ። ዴሪር እግል ኖሱ ኖዩ ሕክመት ሰበት ብኡቱ እንዴ ኢኮን፡ ለምን እዳህ እንዴ ፈግረ ለአሰክ ጀህራይ ልትደለል ለዐለ ልቤ ህተ ምንዲ ኢትገብእ ኦላሁ ዓልም ወኢትመለከዩ። ጀህራይ እግል ኢልምጸኦ ዴሪረ እት ክልኤ እግሩ ክልኦት መሐልከ ልውሉይ እግሉ ሰበት ዐለ፡ ኢቅሩብ ወኢረዩም ቅብላት እትዬ ሸባብ ገብኤ። አፍሁ ምን ህግዩ ትለገመ ወእግሩ ምን መጋደስ ተአሰረ። ምን ገብእ ልትዐወት ከእብ ሰኒ ሙያም አፍሁ ፈቴሕ? ኮንዶእ ገብእ ለበሊስ? አብ አረይ ላኪን እብሊ ለተሌ ደግመ።

ስወር ክብርም ጸሃይ

ምዴርየት ሽዕብ ወሄራር ዐማረ

ሽብህ መዲነት ሽዕብ



ምዴርየት ሽዕብ ሐሬ ምን 10 ምዴርየት አቅሊም ቅብለት በሐር ቀየሕ ተ። “ሽዕብ” በሀላት ሽዕቦት አው አካን ሼክ በሀላት ተ። ሰበት እሊ፡ ለትዘረአት ኩለ ለትብቅል ዲበ አርደት ተ። ምስል ምዴርየት አፍባቡ፡ ባጼዕ፡ ግንደዕ ወገለብ ህዩ ትትሓደድ። ምድረ ምን ጠፍሐት በሐር አሰክ ምግባይ ምድር ሐፋነት ለልትመደድ ሐሰዶት ለከምክም፡ መብዝሐ ጋድሞታት ወምን አውለት ወሓይዝ ብዙሕ ለልዕይሩ ትርበት ወጂባት ለመልክ ምድር ተ።

“ምን አክቶበር አሰክ ማዮ ለሀላ አሸሁር ለሐሰት ሓላት ሀወእ ለበ ምዴርየት እት ገብኧ፡ ምን ጁን አሰክ ሰብተምበር ህዩ ለበዝሐ ምድረ ሕፋን ተ። እት ሰነት 1994 ለትአሰሰት ሽብህ መዲነት መንሸብ ህዩ መርከዝለ ምዴርየት ተ”ልብል መዲር ምዴርየት ሽዕብ አሰይድ አብብከር እብራሂም።

ምዴርየት ሽዕብ ሰማን ዳሕየት እት ለሀልዮ እሊ፡ ለሐምስ ቆምየት ትግሬ ወለሰለሰ ቆምየት ረሻይደ ለነቡረን ተን። ብዝሐ ሽዐበ 44,560 ገብኧ። ለበዝሐ ምኖም ሐረሰቶት ቶም። ግብለት መንሸብ፡ ቅብለት መንሸብ፡ ቲሉክ፡ ገድገድ፡ ወቂሮ፡ ወድኢሉ፡ ኪሎ ወሸልሸለ

ዳሕየት ሽዕብ ተን። ከመቃበለትን ምስል መዲር ምዴርየት ሽዕብ ክኣነ ተሌ ተ።

ሰኣል፡ ምን አርዛቅለ ምዴርየት ሚ እግል ንሰሚ እንቀድር?

በሊሱ ትርበት ሐርስ ወጂባት፡ ምን ከበሰ ለደኖ ሐምስ መሓዛት ዐባዩ ለልሀይቡ ማይ ዋጅድ፡ ለትፈናተ አዝረአት ወሓላት ጀው ሰኔት ምን አግደ አርዛቅ እለ ምዴርየት ተ። ሸላቅ፡ ገርሲሊ፡ ማይ-ኡሌ፡ ላበ ወግርግር (ዓለ-ዕሮ) ለዐባዩ መሓዛት ተ። እሊ ወሓይዝ እት እቅትሳድ፡ ዐቦት ሐርስ ወተዋብ ንዋይ ለትወቀለ ዶር ለቡ ተ። 8,300 ሄክታር ለገብኧ፡ እተይ እክል ሰኔ ለልሀይብ ወእምበል ሸፍር ደለ ትዘረአት ለልአበቅል ወሀረም ለአለቡ ምድር ወጂብ ሀላ እግልነ።

እሊ እብ ጀሪፍ ለሰቲ ሰበት ተ። ወሓይዝ ለገልዮ ትርበት ብዝሕት ተ። እተይ ፈዋኪህ ወሐምሌ ለልሀይብ፡ ጀራዲን ሀላ። አልፍ ዕጩት ተመር እትሊ ለሀደግናሁ ጀራዲን ተመር ቅዱም ወሐር እት እንቲ ባቅል ሀላ። ለባነት እግል ዕጩት ተመር ለሐሰት ትርበት ወማይ ክም ቡ መዲርለ ምዴርየት አሰይድ አብብከር እብራሂም አከደ እግልነ። ብርጨቅ፡ ጎዕ፡ ከመዶር፡ ባምየት፡ በናነ ወተመር ምን እት

ጀራዲን ሽዕብ በቅል ለሀላ አዝረአት ተ። መብዝሐ ምድር ሽዕብ እብ አብዕረት ለልትዛበር ናይ ለመድ ሐርስ እቡ ልትሐረሱ።

እት መሓዛት ላበ ወማይኡሌ እብ ሸርከት ቻይነ ዲብ ሰነት 2000 ለትሸቀ መሸሮ አስተዮት ትርዐት፡ ለባባቲ ሰበት አበረ ወውሒዝ ሰበት አክረበዩ አትሳናይ ለሐዘ። ሰበት እሊ ሐረሰቶት ሽዕብ፡ እብ ነሐር ወአብዕረት እት ከድሞ ቱ ባርታታቶም ለአሰቱ ለሀለው።

ሰኣል፡ ሽዕብ እብ ሕበር ለሸቅዩ ኬዋታት ሚ ሀለ?

በሊሱ እብ ኬው ነብረ እብ ሸቅል ብዙሕ ሸቅል ነሐር ትሸቅ። እትለ ሰነት 2024፡ 8,907 ነሐር አዳም፡ 10,320 ረአሰ ምን አብዕረት፡ ቅዶስ 13 ኪሎምትር ለገብኧ አርበዕ ምትር መትወቃል ለቡ ዐግምት፡ 142 ሳዐት እብ ዶዘር እብ ሰላዲሆም ለአሸቀዉ ምድር ክዱም ሀላ። ዮም ዓመት 58 ውሒዝ ደነው፡ ከለሐረሰቶት ምስል እሊ ወሓይዝ እት ልትጋደሉ፡ ህቲ ገሌ ወህቶም እት ለአሰት ናይ ግድለ ሄራር ሸጋብ ተ። ሰበት እሊ፡ ለውሒዝ እንክር ቀየረ ምን ገብኧ፡ ዲብ ፍንጌ ለኢሰተ ምድር ተርፍ ሀላ። ዮም ዓመት ምን ምድር ሽዕብ 5,282 ሄክታር ሳቲ ሀላ። እብ ዝላም ለዐለ ህዩ፡ 3,770

ሄክታር ለገብኧ ምድር ባቅል ሀላ።

ሰኣል፡ ምን ንዋይ ሚ ተውብ ሐረሰቶት ሽዕብ?

በሊሱ ንዋይ ብዙሕ ልተውብ፡ ለምድር አጻምእ ሰበት ተ። እት ሰብኮ ወሳግሞ ልርዕዉ። ሐ፡ አግል፡ አባጌዕ ወእንሰ ተዋቦም ተ። ‘ስናር’ ለልትበሀል፡ አዱግ ህዩ ሻፍግ ሰበት ተ። ክም መዋሰላት እት ግርሆም እት ለአትቃብሎ ልትነፍያ እቡ። እሊ ንዋይ እሊ እት እቅትሳድለ ሐረሰቶት ዶር ውቁል ቡ። ክል ሐል ህዩ እብ ውሓረት ሐርስ ልትዳዌ ወልትፈደእ።

ሰኣል፡ እብ ተጃረት ለልትናበር አክል አዮም ሰነን ብኩም?

በሊሱ እት ተሻሸት ለክሰኣት 180 ለገብኧ ርክሰት ህለዮ። እሉም ተሸሸ ምን ጀህት ሱዳን፡ ባጽዕ ወአስመረ ለልአመጽእወ በረሾት ቶም ለልአዘቡ። ክል ዶል ዐዳጋን አምዕል ከሚሰ ተ። እሊ ህዩ፡ እት ሒን ከረም ሰኔ ለትሸቁ ዐዳጋ ተ። ለተሸሸ መናበረቶም እግል ለአሰት ላሊ ወአምዕል ከድሞ፡ እት ፈርሾ ህዩ እብ ንዛም ለአዘቡ ወዲብ ሀወኖት ቀሎት ሱግ ዶርም ቀድሞ ህለው።

ሰኣል፡ ለልትሰቲ ማይ ከኣፍ እንቲም?



በሊሱ ሓላት ማይ ሲቲ፡ ምን እትየት ሕርየት እንዴ አንበተት ህኩመት ኤረትርየ እበ ወዴቱ ካድም፡ ብዙሕ ድሪላት ተሐፈረ ወታያን ማይ ገብኧ። እት መዲነት መንሸብ እት አርበዕ አካን ዐወሊ ተሐፈረ ወአክረቱ ዲብ ሐቲ አካን ማይ ጽሩይ ትረከበ ወለሰነን ምን ሰቲ ህለው። እሊ ዓለ እብ ጀነሬተር ሰበት ትትገለል፡ ጃዝ ብዙሕ ተአስተህልክ። እሊ ምስል መሸሮ ማይ አቅሊም እንዴ ትፋህምን እግል ልትበደል እበ ወዴናህ መፋህመት፡ ሶላር እግል ትትወተድ መዋድ ተሀየቤነ ወትሸቁት ከተአሰቲ ህሌት። አዜ ህዩ ዘሪበት ሰበት አትሐዜተ እንሸቅዩ ህሌት። እት ግዴነበመ ሶላር ሐዳሰ እንዴ ትሸቁት፡ ክድመት ተሀይብ ጸንሐት። ቱቦታት ውሒዝ እንዴ ገለዩ አዜመ እብ ሐዲስ እግል ነአሰንዩ ብገሳም ህሌት። እት ወቂሮ ወገድገድመ እት ክምሰልህ ሶላር ልትወተድ እሉም ሀላ። እት ሸልሸላመ ክምሰልህ ኤታን ብዝ። ሰበት እሊ እት ክምኩም ደገጊት ለሀላ ሽዕብ ማይ ጽሩይ እግል ልሰቲ ለካድም ክል ዶል ገብኧ ሀላ።



አሰይድ አብብከር እብራሂም

መሸሮ ማይ ብሴስ እኪት ሰበት ህሌት፡ እግል አሰነዮተ እንክድም ህሌት።

ሰኣል፡ ምን ልትረኡ ተሐድዶት ሚ ሀለ?

በሊሱ ምን ቅድረት ሽዕብ ወለዐል ዲመ ለትሳድፍ ደማር ደቅብ ወሓይዝ ህሌት። እሊ ወሓይዝ ህዩ ዐግምት ሳብር ወግረህ ገሌ ሀላ። ወሰክ ወቀይ ማሽኔሪ ምን ልትረከብ ላኪን ለደማር ወቀለት እብል። መሻሬዕ ማይ ሲቶመ ምን አውለውያትና ተ። እት መንሸብ ካልኣይ ምዕዋን ማይ ለትገብኧ እግልነ ዓለ እግል ትትሐፈር በርናምጅ ብዝ። እግል ኪሎ ወሸልሸላመ ወሰክ ዒማት ማይ

ለአትሐዜነ። ምን ዐወሊ ለገዲም'መ ክም ናይ ወድኢሎ ወወቂሮ ማይ ጩወ ለትበደለ ሀላ።

ሰኣል፡ ክጡጥ መዋሰላት ምዴርየትኩም ሚ መስል?

በሊሱ ጽርግዩ እት ሰነት 2000 ሸርከት ቻይነ ለሸቀተ ምን ጋሕቲላይ አሰክ መሓዝ ዒን 65 ኪሎምትር እብ ቅዋራን ልብክት ተ። ወሓይዝ ትሩድ ሰበት ባትክ ከልሐልፍ፡ እት አካናት ብዙሕ ከራብ ሱድፍተ ህሌት ድኢኮን፡ እት ጋድሞታት ለክለ ክፋለ ክርመት ሰኔት ለሀይብ። እሊ ከዋ እሊ እብ ምግብለ ምዴርየት ለልሐልፍ ከዋ ሰኔ ምህም ተ። እምበልሁ፡ ከዋ ቲሉክ-ብሴሰ-ሽዕብ ቀጢን ናይ ጨበል ጽርግዩ ህሌት። ካልኣይ ከዋ ረድምየት ምን ሽዕብ አሰክ ወቂሮ ለልኣቲ ሀላ። መዋሰላት ሐራት ምን ግንደዕ አሰክ ሽዕብ ህሌት፡ እት አውቃት ዐዳግ ልግበኧ ውበዕድ ክድመት ሰኔት ተሀይብ። ኤሪቲል ሰኔ ዐለት እግልነ፡ ላኪን እት ሐልፈው ሰለሰ ወሬሕ ካርበት ዐለት፡ አዜ እት አትሳናይ ሰበት ህለው። ክሎም ሰነን ክድመት ሞባይል ሰኔት እግል ልርከዕ ሰብ ሰእየት ሕነ።





ካቲመ - እስትዕማር

ሓይሳም ወሐይሳት ቁርኣት ዲበ ሐልፈ አውካድ ታሪክ ንዳል ሸብብ ኤሪትሮፕ እግል ልትወሰቅ፡ እበ ገብኦ ጸገም ተጃርብ ንዳል ድድ እስትዕማር ለለሓኬ አክትብት ብዙሕ ትክተብ። ምር ምን እሊ አክትብት እሊ ህዬ ለናይ ደንጎበ ሐርብ ተሕሪር ለከሰሰ ካቲመ ለልብል ክታብ ተ። ዲብ እሊ ክታብ እሊ ብዙሕ ለለትዕጅብ ወለለትሐብን ቅሰሰ ክቲብ ህለ። ቀደመ ቅሰሰ ላኪን ኸልፍየት ናይላ ናይ ካቲመ ሐርብ ሚ መሰል ዐላ፡ መርሐለት እብ መርሐለቱ እግል ንርኤቱ ከእግል ዮም 5ይ ክፈል

“ዘመቸ አድን”

አባይ ሐቆለ ክሉ ለሳደፈዩ ፈሽልመ ምን ገብእ ጀብህት ግንደዕ እግል ልሰበር ለዐለ ሕልሙ ይኣትካረመዩ። ድቁብ ወምህለት ለኢሊህይብ ህጃማት ወደ ምንገብእ ዲብ ደንጎበ እግል ቅወት ዲሸ ሸዕቢ እንዴ ሸልተ፡ እግል ልትወወት ክምሰል ቀድር ዳምን ዐለ። “ዋልዮ” ለልትባህል ካልኣይ ክፍለ-ጦር፡ ዲብለ ጀብህት ክምሰል ለኣቱ እንዴ ወደ ህዬ፡ ዲብ ዮም 6 ኣፕሪል “ዘመቸ አድን” ለልትባህል ራብዓይ ፊራሮ ኣትብገሰ። ዋልዮ እብ ባካት ሐመልማል ወፈረሰጌ እግል ልህጀም አካነቱ ጸብጠ።

አባይ፡ እህትማም ዲሸ ሸዕቢ ዲብ ብዕድ እትጀህ እግል ልሰሐብ ቀደም ለህ እብ ጀህት ሰሚናዊ ባሕሪ ተሐረከ። ህደፍ ናይ እሊ ሐረክት እሊ፡ አግደ እበ እትጀህ ለህዩ ለዐለት ቅወት ዲሸ ሸዕቢ አሰክ ምግብ ጀብህት ግንደዕ እግል ኢልትሐረክ እግል ክርዕቱ፡ ትሰርገል ምንገብእ ህዬ፡ እንዴ አሸክትካሁ አሰክ ጋድሞታት ክምሰል ልትህንፈ እንዴ ወዴክ እብ ጀህት ግንደዕ ገብእ ለዐለ ህጃም እብ ሰምጥ ወምን ግረ እግል ሲናዶቱ ለዐለ።

ዲብ ዮም 6 ኣፕሪል አባይ፡ ዲብ ባካት ኩዶ ወፍልፍል፡ 10ይ ክፍለ-ጦር ሐቱ ብርጌድ ወ6ይ ክፈለ-ጦር እንዴ ኣትብገሰ፡ እብ ድቁብ ቀዝፍ መዳፊዕ እንዴ ተ’ለ ህጃም አንበተ። ዲብ እሊ አካን እሊ ሻፋት ለዐለዩ ውሕዳት ዲሸ ሸዕቢ ናይ ክፈል ዲሸ 96 እት ገበኦ፡ ብርጌድ 91 ምን ዒላዒሮ አሰክ ጽርግዩ ፍልፍል፡ ብርጌድ 49 አሰክ ሐርመት አልጌነት ሻፋት ዐለዩ። ሐርብ እንዴ ኢለኣሰብዴ ብርጌድ 91 እብ ሰብብ ትሉሉይ ሐርብ መቅደረተ ሕውንት ሰበት ዐለት፡ ምስል ሐቆ ሐርብ ደንጎሎ ሸውዩ እንዴ ዓረፈት ሐለተ እትርድት ለዐለት ብርጌድ 49 ናይ ድፊዕ መትባዳል እንዴ ወዴት አግቡይ ጸቢጥ ድፍዕ ኣትባኔት። አባይ ሸለቃታት (ቦጦሎኒታት) ዲብ ባድል ምን 6 አሰክ 12 ኣፕሪል ለወደዩ ህጃም ህዬ፡ እብ ቅዋት ክፈል-ዲሸ 96 ምስል ሃይባት ሰዳይት መከፍይዝድ እንዴ ትበርገዐ አቅባለ።

እሊ ክእነ እት እንቱ፡ ዲብ ዮም 9 ኣፕሪል፡ ምን ሳዕት 2፡30 ናይ ላሊ እንዴ አምቡተ ዲብለ ክፈል-ዲሸ 85 ሻፍፍ እቱ ለዐለ ድማን ወድገለብ ጽርግዩ ግንደዕ-ደንጎሎ፡ ክፈለ-ጦራት አባይ እብ ድቁብ ቀዝፍ መዳፊዕ ዲብ ልሰደው ህጃም ዳቅብ ሀረሰው። ክፈል-ዲሸ

61 ዲብለ ሻፍፍ እቱ ለዐለ ባካት ማይ-ጭቀ ወሐመልማልሙ ሕድ ለሽብህ ህጃም ጋብእ ዐለ። ለአሰክ ፈጅራተ 10 ኣፕሪል ለገብኦ ህጃም፡ እብ ቀዝፍ ጥያራት ሐርብ ለተ’ለ ምንመ ዐለ፡ ፍሬ እንዴ ኢሊህይብ ትገርደመ። ሰዋትር ዲሸ ሸዕቢ እብ አልቃም ወጥርታራት ለትክለበ ሰበት ዐለ፡ አባይ እግል ለአድሚዕ ኢቀድረ። ምናተ ዲብ እሊ ናይ ዮም 10 ሐርብ፡ አባይ አሰክ ቅብለት ሐመልማል፡ ክፈል-ዲሸ 52 ሻፍፍ እቱ ለዐለ ድፊዕ፡ ሐለቱ እንዴ ከምከመ፡ ክልኤ ኢነት እግል ድፊዕ ጸብጠ- ዐለ። ላኪን እብ ህጃም ምዳድ አቅባለ። እብሊ ህዬ “ዘመቸ አድን” እብ ተማመ ፈሸለ፡ ወአባይ ከሳር ዐባይ እንዴ ረፍዐ ገረምሕ ገኡ።

“ዘመቸ በጥሰ”

ንዛም ደርግ፡ ገበይ ባጽዕ እግል ልክሰት ለወደዩ ትሉሉይ ጀርቤታት ወፊራሮታት ምን ፈሸለ መፅነውየት ዐሳክር ወቅያደት ዲሸ አባይ ምድር ሸውጥ ዐለ። እሊ ዲብ እንቱ ላኪን “ኣትካራም ሐርብ እግል ሸዕብዩት በክት ሂበት ተ” እንዴ ቤለ ሰበት ጌመመ፡ ከንፈሩ እንዴ ነኸሽ ለሐርብ እግል ለኣተላልዩ ሐረ። እብ ኣሳሰ እሊ፡ ለደዐፈ ክፈል-ጦራት፡ አሰክለ ሃድእ ጀብሃት እንዴ ቀየረ፡ ለኢተምተመ




ውሕዳት ወሐዳይሰ ምን አጅህዘት ለትፋገረው ዐሳክር እንዴ ሸርዐቡ እግል ህጃም ሐዲሰ ዳለ።

አባይ ቀደም እሊ ለትካፊዐ እብ ብሰር፡ ዲብለ ተሐደደት አካን ድቁብ ቀዝፍ እንዴ ወደ፡ ለትትባደል ቅወት እንዴ አዳለ ድፊዕ ዲሸ ሸዕቢ እግል ልሰበር ወለእለ ጸበጥክ አካን እንዴ ኢጠልቀ ናይ መጃገረት ሐርብ ዊደት፡ ዲብ ደንጎበ ሐለትከ እንዴ ነዘምክ እብ ድቁብ ጨቅጥ ገጽ ቀደም መትወርዋር ለልብልቱ ለዐለ። ለምን 19 አሰክ 23 ኣፕሪል ለወደዩ “በጥሰ” እንዴ ቤለ ለኣተምበለዩ ሓምሳይ ፊራሮ እብ ሕድ ለሽብህ ብሰር ገብኦ።

ዲብ እሊ ሐርብ እሊ፡ ዲብ ዮም 20 ኣፕሪል፡ እብ ጀህት ርእሲ-ዐዲ አካን ፍሩሰታሌ እንዴ ትብህለ ለልትአመር ባካት፡ አባይ ገሌ ድፍዓት እንዴ ጸብጠ እግል ለአሸክት ጅሩብ ዐለ። እብ ህጃም ምዳድ እግል ብልሱቱ አሰልፍ ውሕዳት ዲሸ ሸዕቢ ለወደያሁ ጀርቤ ኢትሰርገለ። አባይ እብሊ ናይ ዶሉ ዐውቴ እንዴ ትናየተ፡ ፈጅራተ ዮም 21 ኣፕሪል እስቡሕ ሳዕት 5፡00 ዲብ ቅብለት ሐመልማል ህጃም ጠለቀ። እብ ጀህት ድገለብ ባካት ማይ-ጭቀ ለተሐደደ አካናት እንዴ ጸብጠ ህዬ ገጽ ቀደም ኣተጀህ። ህጃም አባይ ሻፍግ እት ገብእ ፍክ ለሊህይብ ኢዐለ። ዲሸ አባይ እበ አፍረሰዩ አካን እብ ሸፋግ እትጀህ ምፍጋር ጸሓይ ተዐጸፈ። አባይ እግል ዲብ ድፊዕ ለዐለዩ ገሌ ውሕዳት ዲሸ ሸዕቢ ምን ግረ እንዴ ሀጅመ ህዬ እግል መትወቃል ንቅጠት 1002 ጸብጠ። ውሕዳት ዲሸ ሸዕቢ ላኪን እብሊ ቴለል እሊ ኢበህጀዩ።

ዲብለ ብዕድ ሰዋትር ተቅዩር እንዴ ኢወድዩ ዲብ መትወቃል ንቅጠት 1002 ለፈግረ ዲሸ አባይ ክምሰል ኢፈግር እግል ዊደት ህጃም ምዳድ ጠቀለዩ። ዲብለ ናይ ሰልፍ ኢነት ኢትሰርገለ። ግራሁ እበ ገብኦ ሸፍግ መትዛም ላኪን ዲብ መደት ሐሚር አካነት እብ ድግማን ጸብጠዩ። ዲብ እሊ ሐርብ እሊ 2ይ ወ23ይ ክፈል-ጦራት ሰኒ ሰበት ተኣዘው፡ እግል ለኣተላሉ ኢቀድረው። አባይ ላኪን እግል እምበል ዕርፍ ወበደለ ልትሓረብ ለዐለ ዲሸ ሸዕቢ በክት



ኢተኣነብት፡ ዲብ ርእሲ ዐዲ ወኳዜን አባይ ጃሹ ሰበት አደቀቡ፡ ህጃም ድቁብ እግል ለሀርሰ ክምሰልቱ ጌማም ዐለ። እብሊ ህዬ ዲሸ ሸዕቢ አግቡይ ጸቢጥ ሰዋትሩ እግል ለአደቅብ ወቅወት እግል ልወሰክ ትባደረ። ዲብለ ጀብህት ሻፍፍ ለዐለ ውሕዳት ክፈል-ዲሸ 96 ተ። ብርጌድ 98 ምን ግራት-አውልዕ አሰክ ሐርመት አልጌን፡ ብርጌድ 91 ምን ሐርመት አልጌን አሰክ ጽርግዩ ፍልፍል-ክዶ፡ ብርጌድ 49 ምን ጽርግዩ ፍልፍል አሰክ ዒላዕሮ ጸብጣት ዐለዩ። እግል ሰዳይት ለትረተበት ሐቱ ቦጦሎኒ ክቡድ ሰለሕ ህዬ ምስለን ጸብጠት ዐለት። ለአካናይ ፋዴሕ ሰበት ዐለ ፈሳይል ሰለለ ቀደም እንዴ ሐልፈዩ ለራቅሁ አካናት ዐለ። ብርጌድ 98 ዲብ ግራት-አውልዕ እግል መደት ረያም ዕሰክርት ሰበት ዐለት፡ ሰዋትረ ሻቅየት ዐለት። ምን ርእሲ-እምበደርሆ እንክር ድማን ላኪን ፋዴሕ ሰበት ገብኦ፡ ለትፈናተ ውሕዳት ለትባደለዩ እቱ ደዋዬሕ ሰበት ዐለ ድማን ለሊህይብ ድፊዕ ይዐለ እቱ።

ናይ አባይ ክፈል-ጦር 22፡ ዲብ ዮም 19 ኣፕሪል ሳዕት 4፡00 ጽብሕ ምድር፡ እብ ድቁብ ቀዝፍ መዳፊዕ እንዴ ተ’ለ ዲብ ሰዋትር ዲሸ ሸዕቢ ህጃም ጠለቀ። እብ ፍንቱይ ህዬ ዲብ አፍ-ገረብ ለልትባህል ድፊዕ ሸፍ ድቁብ ገብኦ። እብ ጀህት ሳቡር ሰዋትር ትሩድ ሰበት ኢዐለ፡ አባይ እግል አወላይ ከጥ መዳፊዕት እግል ልጽበጥ ይሐለዩ። ዲብ ብዕድ ድዋራትመ ሕድ ለሽብህ ህጃማት ሀረሰ። ዲሸ ሸዕቢ ላኪን እንዴ ሰምደ ዳፊዐ። ሐቆ እሊ ለእብ ጀህት ሳቡር-ሰጊ አባይ ጸብጠ- ለዐለ አካናት እብ ህጃም ምዳድ ክምሰል ለአቀብል ገብኦ። እትለ ሳዕት እሊ ዲሸ አባይ እብ ጀህት ርእሲ-እምበደርሆ ዲሸ እንዴ ሐየብ ድፊዕ ዲሸ ሸዕቢ እንዴ በክኦ ርእሲ-እምበደርሆ ጸብጠ።

ዲብ ዮም 20 ኣፕሪል ዲብለ ተኣተጽቤሕ ላሊ፡ ክፍለ-ጦር 23፡ ሐለቱ እንዴ ከምከመ ዲብ ግራት-አውልዕ ወአፍ-ገረብ እት ልጃግር ትመዩ። ሳዕት 3፡00 ላሊ ህዬ እግል ሰዋትር አፍ-ገረብ እንዴ አፍረሰ እንክር ድማን እንዴ አፍየሐ ወቅዋት ዲብ ለአዘይድ እብ ትሉሉይ ልትሻፈፍ ዐለ። ዲብ ዮም 21 ኣፕሪል ለተኣተጽቤሕ ላሊ ራድኢት ለመጽአዩ አርበዕ ሰርየት

ናይ ክፈል-ዲሸ 52፡ ምስል ውሕዳት ክፈል-ዲሸ 96 እንዴ ትወሰከዩ ህጃም እግል ለሀርሰ ዲብ መዳሊት እት እንተን፡ ክፍለ-ጦር 22 እንዴ በድረ ሳዕት 4፡00 ጽብሕ ምድር ህጃም ጠለቀ። ውሕዳት ዲሸ ሸዕቢ ህዬ፡ እግል ሳደፈ ህጃም አባይ ሐቆለ ትብጠረዩ፡ ህጃም ምዳድ እንዴ ሀረሰዩ ሳዕት 12 ፋዳሰ እግል ግራት-አውልዕ ጸብጠዩ። ዲብ ዮም 22 ኣፕሪል ክፍለ-ጦር 22፡ ሸብህ ህጃም ምንመ ወደ፡ እንዴ ትጸፈዐ ግረ አቅባለ። ምናተ ፈጅራተ ዮም 23 ኣፕሪል ዲብለ ሐርብ ለደዐፈዩ ውሕዳት እንዴ በደለ፡ እብ ድቁብ ቀዝፍ እንዴ ተ’ለ፡ ለዲብ ዮም 21 ጸብጠ- ለዐለ ድዋራት ምን ሐዲሰ እግል ልብለስ ህጃም ድቁብ እንዴ ጠለቀ እብ ድግማን እግል ልጽበጠ-ቀድረ። ክፈል-ዲሸ 96፡ ለሸክተ ውሕዳት ምን ሐዲሰ እንዴ ነዘመ ክልኤ ሰርየት ናይ ክፈል-ዲሸ 16 እንዴ ወሰከ፡ ዲብ ዮም 24 ኣፕሪል ሳዕት 18፡00 አምሱይ ህጃም ሀረሰ። ሳዕት 23፡00 ህዬ ናይ መዳፊዕት ከጥ ግራት-አውልዕ እብ ተማመ-ጸብጠዩ።

ግረ እሊ እግል ርእሲ-እምበደርሆ ወድዋረተ ምን መራቀብት አባይ እግል ልንዘዕ ክፈል-ዲሸ 52 ህጃም ምዳድ ወደ። ዶል ዲብ ለአሸክት ወዶልመ ዲብ ሸክት ሐቆለ ትጃገረ ህዬ፡ ዮም 25 ኣፕሪል ምን ክፈል ዲሸ 16 ምር ቦጦሎኒ፡ ምን ክፈል-ዲሸ 96 ክልኤ ቦጦሎኒ ትወሰከዩ እቱ። እለን ውሕዳት እለን፡ እብ ቀዝፍ መዳፊዕ ወጥርታራት ለተለ ህጃም ምዳድ እግል ሊደዩ ዲብ ልዳለዩ፡ ዲብ ጀብህት ግንደዕ ገብእ ለዐለ ህጃማት አባይ እብ ተማመ- ሰበት ፈሸለ፡ ክፈል-ጦር 21 ዲብ መበገሱ እግል ለአቅብል ተኣዘዘ ከዮም 27 ኣፕሪል 1990 ዲብ ለዐለ ዲሸ አባይ ዲብ መበገሲሁ አንሰሐቡ።

ንዛም ደርግ እብሊ እግል መደት ሰለስ ወሬሕ ለወደዩ ትሉሉይ ህጃማት ወፊራሮታት ምንመ ኢተዐወተ፡ “መቅደረት ጀብህት ሸዕብዩት ህጉጊት ትገብእ” ምነ ልብል ጌማም፡ እምበል ሐለት እንዴ ወሰክክ ትሉሉይ ፊራሮታት ኣትብጋስ ወሐርብ ኣተላላይ ብዕድ ልትረኣዩ ይዐለ። ኣኪድ ህዬ ከጥ አሰመረ-ባጽዕ ምን ክሲት ብዕድ ምን ፈሸል ለለድሕን ዐሰከርያይ ሕርያናት ይዐለ እሊ።

ውዛረት ዓፍየት ፈሬዕ አቅሊም ዐንሰቤ እት ደንገበ ወሬሕ አክቶበር 2024 ምን ዐባይ እስብዓልየት ከረን እንዴ ፈገረ፡ ዲብ ምዴርየት ሀበሮ ዐመልያት ቅርሐት ቀበት ዕን ወደ፡ ሰልፋ ሀይ ኢኮን፡ ደዓም ዲብ ምዴርየት አስማዋ እንዴ ጌሰ ክእነ ትመስል ፊራሮ ዋዲ ቱ፡ ዲብላ ፊራሮ ለሀ እበ ትረከበት ፍገሪት ሰኔት እንዴ ትፍየተ የም ዓመትመ ደግመዋ፡ እተ ረዩም ብሩር ለሀለው እብ ኢረከብ መዋሰላት፡ ተለይቶ ወብዕድ መጋዴ፡ ከረን እንዴ መጽአው ዐመልያት ለወዱ እቡ በክት እንዴ ለሐልፎም ጸር አዳዋም ገብአ ነብረው፡ ምን ደዓም ሕክምነ ዕንታት እተ ዐደም እንዴ መጽአዮም ጽልመት እግል ለአብርህ እሎም ምንቀድረ፡ መርሀዮ ዐባይ እግል ሕጽባም ወሬፍዐቶም ትረከበት፡ መንፈዐት እለ ፊራሮ ወሰርገል ለሸቅል እበ ከስስ ወኪል ወካሊት አክባር ኤረትርዮ አቅሊም ዐንሰቤ ዐብደላ ፈረጅ (ወድ ሰበርጋድም) ምስል ሐኪም ዕንታት እት እስብዓልየት ከረን፡ አሰይድ ሕሴን ዐብደላ ሙሰ ለወደየ መቃብለት እለ ተሌተ፡

አሰይድ ሕሴን ምስል ነፍሰክ አትአምረኹ።

አነ እት ሰነት 2015 ምን ኩልየት ዕሉም ዓፍየት ምህነት ኔርሲንግ ተዐለምኮ ከእብ ዲግሪ ትደሐርኩ፡ ምነ ወክድ ለሀይ አሰክ እለ ሀይ ዲብ እስብዓልየት ከረን- ዕደደት ዕንታት፡ እዳዌ ወዐመልያት እወዴ ሀሌኩ፡

ዕን አሀምየተ አክል ሚቱ፤

ዕን እግል ረእየት ትነፈሳ፡ እምበልሁመ እት ሕፍዘት ጀላል ገጽ ተረተ ዐባይተ፡ ምሮ ጅነ ንኡሽ እት እንቱ ዕንቱ ጌሰት ምንገብኤ፡ ላመ ሸክል ገጽ ምስለ ልትቀየር፡ ዕንታት እብ ሐንገል እበ ምግባይት ሰርዐት ዓሳብ ለልትአዘዝ ምንገብኤ፡ ሰኔ እግል ንትሓፈዝ እቱ ለብነ ሰመዕ ገሮብኩ፡ ዲብ ሐንገል ለቀርቦ ክፈል ገሮብ ለትጀሬ ዲቡ መደረት አጊድ ኢትረደአ ምንገብኤ ለኢተአቀብል አው ዳይመት እግል ትግበእ ትቀድር፡

ዕንታት እት ብቅት ለከሬ ወእብ ቀለል እግል ልዳዌ ለኢቀድር ሕማማት አዩ ቱ፤

እብ አሳስ መዝመት ዓፍየት እዲነ(WHO) ሕማም ዕንታት ለልትዳዌ ወለልትከሪዕ (Treatable & preventable) ልትበህል፡ እለ በህለት፡ እብ ደወ ለለሐይ ወበዲርክ እንዴ ኢመጽእ ለትከርዑ ቱ፡ ቅርሐት ቀበት ዕን ወናዙር ለለሐይ ሐዋን ረአይ ዕን ምነ ለልትዳዌቱ፡ ለእግል ልትከሪዕ ለቀድር ሀይ እብ ረክሰ ለመጽእ ዐወር ቱ፡ እግል መሰል በዲር ኒፎ አዳም ብዙሕ ተዓውር ዐለት፡ ክታበት ክም ትመሀዘት እለ ላኪን እበ ለመጽእ ዐወር እግል ልትከሪዕ ቀድረ፡ እብ ሕዳን ሺታሚን ኤ ለመጽእ ዐወር፡ መጦር ክታበት ተውዚዕ ሺታሚን ኤ ምን ተአንበተ ብቅቱ ክርዕት ሀሌት፡

እብ መዳሚዕ ለመጽእ ደረር አው ዐወር ሀይ ሀሌ፡ አጀኒት ዲብ ልተልሂ ሕድ ዘብጥ፡ አው ሐጀር እንዴ ቀጣቀጠ እት ዕንታቱ ነጥር፡ በናዩንመ ቡዩት፡ ኖረት. . . እግል ልቅጠር እቶም ቀድር፡ ወበያዳን ረፈርፍ ሐጺን ልትናጠር እቶም፡ እለ መሰል ዶል ሳድፍ አጊድ ዲብ ሐኪም ምጽአት እግለ ዕን እግል ለአድሕነ ቀድር፡ ብቅት እንዴ ኢትጀሬ ሀይ ምስል ጠቢዐት ሸቅል ለገይሰ ሕጌ ነፍሰ መትነፈዕ ደሩሪቱ፡ በናዩን ነዛራት ወጸሐል

(ሄልመት) እግል ልልበሱ፡ ለበይዶ ወዕጨይ ለጸርቦ ክምስልሁ ነዛራት እንዴ ለብሰው እግል ልሸቀው ብእቶም፡ እት ሕጌ ዕንታት ብዙሕ ኢመትሐሳር ሀሌ፡ ብቅት ክም ትጀሬመ “እለ ቀላልተ” እንዴ ትቤ ወቅት ንሰአት ዕንታት ለአዜ ሀሌ፡

ነዳፈት ሀይ አሀምየተ ዐባይ ቤ፡ ዕንታት ምን ረክሰ ወመእረር እግል ልድሐን እደይ ወገጽ ሰኔ እግል ልትሐጸብ ብእቱ፡ ወዝያድ አጀኒት፡ ክምስልሁመ አጀኒትነ ሺታሚን ለብእተ ነብረ ነሀሮም ወለናይ ሺታሚን ኤ ወቅቶም ንዕቀብ እሎም፡ ምን ሰሰ ወሬሕ አሰክ ሐምሰ ሰነት ለአተሞ፡ እት ክል ሰሰ ወሬሕ ሺታሚን ኤ ልትሀየሶ ሀለው፡ መንፈዐቱ



ሀይ፡ ዓፍየት ናይለ እግል ንርኤ ለትሰዴነ ረቲነ ለትብህል ቀበት ዕን ለአደምን፡ ወሀቱ ዶል ልውሕድ ምን ዐወር ላለ አሰክ ዐወር ዳይም ለተአበጸሕ መደረት ለአጀሬ፡

አግደ ሰብበ ዐወር ሚቱ፤

እት ዐለም አሰክ እለ ቅርሐት ቀበት ዕን ለአወላይት ሰብበ ዐወር ቱ፡ 38 ሚልዮን ነፈር እብ ሰበበ ዓውራም ሀለው፡ መብዝሐ ምስል ዕምር ሰበት መጽእ ሀይ ለኢተርፍቱ፡ ነዕዩት መንበረት ወጀግራፍየትመ ግዴተ ብእተ፡ እት ትሮፒካይ አምዳር ለነብር ገባይል፡ ጮሬሕ ጸሓይ ድቅብት ሰበት ትረክቡ፡ ዕሳስ ወረበርብመ ሰበት ሀሌ፡ ቅርሐት ለአትሻፍግ፡ አሰሩ ለልትረተብ ክም ረመድ ወትራትመ ለመሰል ረክሰ ዕንታት ቱ፡ መዛብጥ ወውቁል ጨቅጥ ቀበት ዕን (ግላኮመ)፡ ማይ ጸለምመ ምነ ዐበዩ አሰባብ ዐወር ቶም፡

ቅርሐት ቀበት ዕን አጊድ ኢትነወከት ምንገብኤ ሚ መደረት ተአጀሬ፤

አክበርኩነ ካብራም ንበሮ! - መድሐር ሸዑብ ሀበሮ

ቅርሐት ቀበት ዕን - ማይ ጸዕዳመ ትትበህል፡ እተ ቀበት ዕን ዐደሰት ሀሌት ምስልነ ለትትወለድ፡ ምስል ዕምር፡ ክምለ ጸለም ለዐለ ጭገርነ ለሸይቤ፡ ህታመ ትጸዕዴ፡ እትሊ ሐን እሊቱ ለቅርሐት ለክፈት እንብለ፡ ቅርሐት ቀበት ዕን እብ መዳሚዕመ ትመጽእ፡ ለዕን ሐቆ ትዘበጠት ቅርሐት እግል ቱዴ ትቀድር፡ እብ ሰከሪ ወውቁል ደቅጥ ደም ለመሰል ሕማማትመ ትመጽእ፡ እብ ሐድ ቅደሰ ሀይ አጀኒት እግል ልትወለደብ ቀድር፡

በርህት እበ ምራየት ዕን (ኮርንዩ) እንዴ ሐልፈት እተ ዐደሰት ትመጽእ፡ ወለዐደሰት እንዴ ትከበተት ዲብ ረቲነ (ሸበክት ዕን) ተሓልፈ፡ ወምነ እብ ዓሳብ ዕን እንዴ ትረፈዐት ዲብ ሐንገል ትበጸሕ ወሚ ትርኤ ክም ሀሌክ ዲቡ ልተርጀም፡ ለዐደሰት ለማየ ጊማይ እንዴ ገብአ በርህት ዶል ኢተሓልፍ ምነ ደዋሐነ ለመጽእ ሐብሬ ዲብ ሐንገል ኢበጸሕ፡ ህቱ እብ ዐመልየት እንዴ ትነወክ እት አነት ዐደሰት ሰናዐት ተአቱ፡ ወለበርህት ከረዐ ለአለበ ተሓልፍ፡ ከለነፈር ሰኔ ልርኤ፡ ቅርሐት እት ወክደ ኢትነወከት ምንገብኤ ለነፈር ለዐውር ወዐድ ልውዕል፡



ለአለቦም፡ እዴ ለተሐጭር ምኖም፡ ሐብሬ ካፍየት ለኢረክቡ፡ እተ አካኖም እንዴ ጊሰካሆም ምን ቅሩብ ሰዳየት አዳዋም እት ረክቦ በርህት ዕንቶም እግል ተአቅብሎም ባብ ትፈቱሕ፡ እለ ሙጅተመዕ እለ ሀይ ምን መደት ንዳል አሰክ እለ እት ክድመት ለሀለ ወግድዐት ብዝሕት ለቡ ሰበት ገብኤ፡ እለ ፊራሮ እለ ኢተዐቤ እቱ፡ እምበልሁመ፡ ነፈር ክልኤ-ሰለሰ ሰነት እንዴ የረ እት ቤት ግሱይ ለዐሌ፡ እግል ልርኤ ቀድረ ምንገብኤ እግለ ብዕዳም እት ሐኪም እግል ልምጽኡ ለአትናይት፡ ክሰሰን ምሮ ክልኦት ሕጽባም ነብሮ ለዐለው አጀኒት ዐለው ዐመልየት ለነጅሐት እሎም፡ ለሸዑብ ጅነ ዕንቱ ክም ትዘበጠት ሐኪም ክም ትገይሰ እበ ወክም ትሰኔ ሐብሬ ሰበት ኢጸንሐት እሉ ለአዝም ምኖም ነብር ዐለ፡

እትሊ ፊራሮ፡ እብ ዓመት 160 ነፈር እብ ዐመልየት ዐደሳት ትቀየረ እሎም፡ ዐሰር ነፈር ለገብኤ ሀይ ዐመልየት ቀለል ክም ነወኮት መሰረጥ፡ ነወኮት እሾክ ወአትሳናይ ትራትመ ለቀማጠጠዩ አሰፋር ገብኤ እሎም፡

እት ደንገበ እት ሸዑብ ለተሓልፈ ልእኩት ምን ብኹ፤

ሙጅተመዕነ እት ልፍህም ገይሰ ሀሌ፡ ክታበት ኢለ-ሓልፍ ወእህትማሙ እብ ነዳፈትመ እት ለሐይሰ መጽእ፡ ሕናመ እምበለ ዳወዮት፡ እግል ሸዑብ ዕልም ወሐብሬ ነሀይብ ሀሌ፡ ገጽ ወእደይ እብ ነዳፈት እግል ልትጸበጥ፡ እት ደወ ዐድ እንዴ ጌሰ ዕንታቱ እግል ኢልድረር ነዐልም፡ በዲር እብ መዳውየት ዐድ(ሰራይ ጉሉላት) ዐደሰት እግል ልነውት፡ መሰረጥ እግል ልሕረጦ ጀርቡ፡ ልትሰርሰር፡ ልትሃለሶ . . . ነብረው፡ አዜ ላኪን እት ሐኪም ምጽአት ትለመድ ሀሌት፡ ምን እለ ወኪን እግል ትዕቤ ሀይ ሐዜ፡ ነፈር ዕንቱ ለገብኤ አክይ ሓለት ረኡ እተ ምንገብኤ ወክድ እግል ኢልንሰእ፡ ክሉ ለመጅተመዕ ምን ሰራይ ጉሉላት እግል ልትሓፈዝ ሀይ እትወሰዩ፡

እግል ተሐምዶም ለተሐዘ ሀይ ብኹ፤

አወል ክሉ ለልትሐመድ ለሙጅተመዕቱ፡ ዲብ ወቅቱ መጽእ፡ ጋሻሁ ሰኔ ተሐደረ፡

አንፋር ውዛረት ዓፍየትመ ሐምዴ ለአሰትህሎም፡ ክል ሐቱ አነነ እንዴ አጸብጠወ ሸቅልነ ሰርጉል እግል ልግበእ ምን ሰደወ፡ እዳረትመ እብ መዋሰላት፡ ጀነሬተራት ወብዕድ ሰዴተነ፡ እዳርዩን እዴህም ለይሓበረው እተ ኢሀሌት፡ ሰዳይቶም ምን ኢተዐሌ ሐቱ እግል ነአሰልጥ ወኢቀደርኩ፡ አንፋር ዴማት አክባርመ ለሐብሬ እት ክሉ እግል ትብጸሕ ወፈህም ገቢል እግል ልፍየሕ ወድወ ለሀለው ጅህድ ሐምድ፡

እግል ዐመልየት ለወደው ሀይ ሚ ልእኩት ብኹ እሎም፤


ለዐመልየት ዋድያም ሀለው እት ነዳፈት እግል ልትሓፈዝ ብእቶም፡ ሐኪም ዐመልየት ክም ወደ እሎም መምሬሕ ለሀይሶም ወሐቀሀ ምስሎም ኢሀለ፡ ለሬፍዓዮም ወሀቶም ኖሶም ላኪን ለዐመልየት እግል ትንጀሕ ግዴቶም ዐባይተ፡ ደዋሆም እበ መምሬሕ እግል ሊደወ እትፋነዮም፡ ሐቆ ዐመልየት ለሀለ ዕሉታት ከሸፍ እግል ኢልሓልፎ ሀይ አትፋቅዶም፡

ሰነን ሀበሮ ሀይ ሚ ልብሉ፤

አሰይድ ሐምድ መሐመድ “አልሐምድለህ፡ ሐካይም እት ሸፍርነ እንዴ መጽአው ሚ ተሐይሰ እኩም ምን ቤሉነ፡ ሰኔት ረኤነ ወእት ሰኔት ለአዚድ እነ፡ እት ንትዋሌ እንዴ መጽእነ ከእብ ዕንታትነ ምን ገንሐነ ፈድል ዐቢቱ፡”

አሰይደ ፋጥነ ሰዲድ “ማሸለህ ሰኔት ረኤነ፡ ምን ከደን ዐድ አቱነ፡ ምን ጨባብ እት ረሓብ ፈገርኩ ምን አባይ ተረፍነ ከእት ሸፍርነ አማደድነ ወአዜመ ውላድነ ሰነ ዲብነ ወሕኩመትነ ሰኔት ዲብነ፡ ውላድነ ረፍዴነ ውውላድነ አክበሬነ፡ አሰመረ፡ ደቀምሐሬ ወከረን እንገይሰ ለዐልነ የም እት ቤትነ ትዳዌነ አልሐምድልለህ፡ ካብራም ልንበር አክበረውነ፡”

አሰይድ ማሕመድ አደም “ለበክት እለ ለረከብነ ዲቡ ሰልፍ ረቢ ነሐምድ ወሐር ሕኩመትነ፡ እለ እንረክቡ ብህላም የዐልነ፡ ፈድል ረቢ ወሐካይምነ ረከብናሁ፡ እንሰር ዲብ ዐሪታይ ምጽአት እንዴ ኢትገብእ ከርቱም ወአዲስ ልትገየሰ ዐለ፡ ተዕሪፈት እንዴ ይእንደፈዕ እትሊ ሸፍርነ ምን ዓለጅኩነ ጀዝኩም አለህ ኹር፡”



ምን ገጽ 2 ለአተላላ

ሰአል፡- ሓይሰ ርኢቱ እብላ መናበት እለ እት ገባደል ትግራይ ወብዕድ ገባደል አቶብዩ ወለትፈናተ ቅዋት ስያሰት አቶብዩ ሕኩሙት ኤረትርየ ለተሓልፈ ልእኩት ሚ ሀሌት?

በሊሱ፡- ሐቲ ልእኩት ሚተ ልእኩታት ብዙሕ ብዬ። ገድም ሕምሰ ሰነት ወዝያዳሁ ገብኤ፡ ለተሐይር ሓለት ተ። ዶልከ ልትደገጋም ወለለአተግኔዕ በሊሰ ኢልትረከብ እሉ፡ ለመሰላለት ዲብ ሐቲ ቀድየት ታክረት እንረክበ። ክምለ እሉ ሀድማ ጸንሐኮ ዲብ ለኢለትሐዜከ ቅደይ ክም ሚሌንዩም ዳም ወኒል መትሻክፍ። ወሐር እብ ሰበቡ ለመጽእ አዝማት እግል ትሰፈፍ መትሳሰዓይ። እትለን ሐልፈሃ ሕምሰ ሰነት ለትከእለለ አሸያእ እቡ ምን ነሀድማ፡ ሕነ አጅር እግል ንርኩብ እንዴ ኢገብኤ፡ ሓድር መሻክል እለ መንጠቀት እግል ንባሌሕ፡ እት አምር ዋቄዕ ለለአደሚዕ ዶር እግል ነአግዔ ብዬ። ምሰሎም ለጸንሐ እነ መቅሬሕ ሓለት አቶብዩ አስከቦት ሌጠ እንዴ ኢገብኤ ምነ ወኬን እትለ መንጠቀት ለሀሌት ኢመስኩብት ባልሖት ቲ። መስኩብት እለ መንጠቀት አሀምየተ አሳሰየት ቲ። ሐቀ ካልእ ሐርብ ዐለም እት አቶብዩ ለመጽእ አንዝመት ሚ ክም መሰል ብዙሕ እግል ልትብሀል እቡ ቀድር፡ ላኪን ሕነ ዲብ ሰብዓታት ሕበር እግል ንሸቄ እንቀድር ምነ ልብል መፍሁም ቲ ለታሌ። ወዲብ ንቃሽ ትሉሉይ ነበርኩ እሊ መሰል ቀድያት አክለ ትሻበበ ኢፋልኩም እለ ኢትገብኤ ዲብ እንብል ሄረርኩ። ለእሉ ለአመጽኦ አጃንዳት ናይ ኖሶም ምን ገብኤ ወይአከ።

ባድሚ ለትብሀል መሰላለት መጽአት፡ እግልነ አመተ ኢተአመረት ዐለት። ለምድር ሐቲ ለተትክሕድ የዐለት እቲ፡ ላኪን አተላላይ ናይ ቀድያት ሕኔሽ ወብዕድ ቀድያት ሕዱድ ቲ፡ እግልሚ ለአጃንዳት ምን ካርጅ ለመጽእ ቲ። አነ ተለፎን ብዙሕ ይእትነፈዕ ላኪን ለመደት ለሀ ክእነ ልትብሀል ሀለ ክም ቤሉኒ “የሀው እንዴ አትራክበኝ ምስል መለሰ” እቤ። ሰልፍ ክሉ ሕነ ለሕዱድ ዲብ ልትከጠዋ ሓድራም ኢሕነ ወየዐልኩ፡ ለክጡዋ ጸንሐኒ ሀይ ሕነ ይእንወሰክ እቲ ወኢነአንቅሰ ምነ። እለ ባድሚ ትብሀል እግልሚ ቀድየት ገብኤት ወእት አፍ ወዐለት። ኢፋልኩ ወዐል ምነ፡ እሊ መሰል አርእሰ ኢለትሐዜነ” እቤሎ። እሊ መውዶዕ እት በርለማን እንዴ ኢልትረፈዕ ቲ። ሕነ ገድም እብ ተጅርበት ሕኔሽ ሓልፋም ወብዙሕ ዳርሳም ምነ ጸንሐከ። አዜመ ምሮ እያድ ፍንገር ቀሬሕ ክም ረኤኩ ከአክል እለ አሀምየት ሐቀ ብእት፡ ለርሱም ለጸንሐኒ ሕዱድ ክም ሕዱድ ስያዲ ሰበት ልትነሰኢ ዲብ ለለአትክሕድ ሚቡ፡ ሀለ ገአ ምንገብኤ ሀይ እንዴ ትፋሀምነ ለይእንፈትሐ ፅቀድ ኢሀለ። ክልኢትነ ላቲ እት ክላሰት ይእንበኢሕ፡ ሐብሬ ትነቅሰ ምንእነ እንቤ ምንገብኤ ሀይ፡ ክም ካልእ ሕርያን ሳልሰ ጀሀት መዜርናይት እንዴ ወዴነ ሐል እግል ነአምጽእ እንቀድር። እላመ ኢገአት ምንገብኤ፡ እት ቃትን እንዴ ጊሰነ ቀድየትነ እግል ንባሌሕ እንቀድር። እትሊ መፋሀማት ዲብ ሀሌነ ለሐርብ እንዴ ትወለዐ ገበይ ብዕደት ጸብጠ። ሐቀሁ ወፋቅ አልጄርስ መጽአ። ሕዱድ ድወል እት ክለ ዐለም እብ ከፎ መጽኦ እመርቲ ወእሉ እንዴ ሐሽምክ ልትገደሰ ሀሌ፡ ዲብ አፍሪቀ ሀይ ለጸንሐኒ ሕዱድ እንዴ ወረሰነ እንገይሰ ሀሌኩ

መቃበለት ርኢሰ ኢሰያሰ

እሉ ሐቀ ተዐዲነቲ ለመሻክል መጽእ። ወረቀት አምጸአው ወእት ፍርድ ኒጊሰ ቤለው። ሰኒ ሰኔት ህተ ተሐጭር እነ እንቤ ወትከበትነ።

ለሐርብ እንዴ ኢልትወለዕ ቀዴማዩ ዲብ ሕዱድ ለትገብኤ ተጃረት ክም ዲርሀ ወእንቆቅሑ፡ ጠሊት ውብግዕት ሕሳባት ባንከት እንዴ ትከሰት እሉ ሸዐብ እቡ ልታጅር ለትብል ህግዩ አምጸአው። እት ሕዱድ ለለሀሌ ትባድል ብዳዐት ወክድመት ክሱት እግል ልግበኤ ብእቲ። እግሉ ለገብኤ መአሰሳት ብኩክመ አለብዬ። ሕሳብ ባንከት ሐቀ አለብክ እብ ብዳዐትክ ሕዱድ ኢትትዐዴ ለልትብሀል ሓዜ ሰብብ ምንኢገብኤ እግሉ ለለሰልዋ መአሰሳትመ ኢሀለ። ክሉ ለዲብ እሊ ሕዱድ ገብኤ ወልትብሀል ለዐለ ውሱቀቲ። እሊ መሰል መሻክል እንዴ ገይሰ ዐለ እት ሐርብ በጽሐ ወሐርብ ካቲመ እግል ትግበኤ እሉ እትፋቅ አልጄርስ መጽኦ፡ እሊ እትፋቅቅ



እሊ ናይ ደንገበ ወመቀይዳይቲ ትብሀለ። ሚ በህለትቲ ክም እንቤ፡ ለቀራር ክም ተሀየበ ክሉሰቲ ሐቀሁ ይግባይ ኢትብል ወሽክወት ኢትቀድም፡ ሐር ለለቀብል ሸይ ወኢዋሬቅት ዲቡ ለልትብሀል አለቡ ቤሉ። ሰኒ እንቤ። መወለበ(መርጀዕ) ሀይ ሚቲ። ሕዱድ እስትዕማር፡ ክምሰልሁመ ዲብ ዐመል ለልትሸቄ እቡ እድንያይ ቃትን ብኩም ቤሉ። ዲብ ዐመል ለልትሸቄ እቡ እድንያይ ቃትን ሀይ ሚቲ እንቤ ሰኒ እግል ንፍሀመ። ሕዱድ እስትዕማር ለሽሰሰ ውራቅ የም አለቡ ትጀመዐ ወለአምር እንዴ ተመ ዲብ ፌርመት ትብጸሐ። ሐሽም ዋሽንግቶን ላኪን ኢትረየሐ። እሊ እቡ ነሀድማ ዐልነ ትራምፕ ፅሩይ እቡ ለሀለ ዐሽዐሾት ግዛም አሚርከ እሊ ወእሉ መሰል አከር ወከረሀየት ዓቅርቲ። እሎም ሰብ እሎም እግል ልትጃዝው ብእቶም ቤለው። ደውለት እብ ከማለ ትጃዜ! ለፊልቀሶት ፍተን ምኑቲ ለቀንጽ፡ ሕኔሽ ምንገብኤ፡ ባድሚ ወብዕድ እብሊ ወሎሀይ ለልትናካእ ቀድያት ሕዱድ ሰብኡ ለአግዋርነ እንዴ ኢገብኤ፡ ምን ካርጅ ምን ዋሽንግቶን ለልትሐበክ አጃንዳት ቲ።

ቀራር አልጄርስ ተሀየቡ አዜ አሸርት ሕዱድ ተርፈ ትብሀለ፡ ምስል ብጹሕ ለሀለ ቴክኖሎጂ አሸርት ቀሊልቲ። እብ ሽርቹዋል ዲማርኬሽን አምር ተመ። እብ ጂ ኣይ ኤሰ ለልትከጠዋ ሰንቲሜተርመ ለኢልትጌጌ እብ ተፋሲል ለትሸረሐ ሕዱድ ትረሰመ፡ ወመሰአለት ሕዱድ ካልእ ዶል እበ ኢትቀሰቀሰ ገበይ ትደበኤት። ላኪን ለቀራር ቅሶም ካርጅየት (ሰቲይት ዲፓርትመንት) አሚርከ ኢትከበተዩ። እብ ሐዲሰ እግል ትርኤ ወእት ሕዱድ

ለሀለው እንዴ ትራከበው እግል ልግመው እተ ቦም፡ ሐቲ ቤት ዲብ ክልኦት ሕዱድ እግል ትከፈል አለበ ለልትብሀል ሀገጌ መጽኦ። እሊ አምር እሊ ገድም ክሉሰቲ ግረ ለለቀብል ኢኮን። ሐቀ ቀራር ሂገ አለቡ ብሁል ዲብ እንቲ ለለትክሕድ ጋራት ሀለ እንዴ ትብሀለ ሐር እግል በሊሱ 20 ሰነት እት ዐንኮላል ጸንሐከ። እሊ ሀንዳሲቲ ዋሽንግቶን ቲ። ቀድየት እት ትትሐባለክ እንዴ መጽኦት እት 2009 ቀራር መኔዕ መጽኦ። ለሰብብ ሽባብ ሰዴኩም ቲ። ሕነ ፅምርነ ክሉ ድድ እርሃብ (ረዕድ) ናደልኩ። እት ሱዳን ሀለዮት ከረ ብንላደን ፊድሐነ ወእት ደንገበ ዕላቀት ዲፕሎማሰዩት ምስል ሱዳን በተክነ። ካፊሕነ ወካፊሕነ። ኖሰኩም ለከለቅኩመ ቃዕደ አዜ ሽባብ ትሰዱ ትብሉኩ ሚ ተሐዙ ምንእኩ ሚ ትብትት ብኩም ምን ትብሀለው በሊሰ ኢሀለ። ምዕል ለመኔዕ ፈርደወ ደንግብ ሰነት 2009 አሌላት ልደት ዐለ። አዳም እትለ

አለቡ አሰደረወ፡ ከረ ራግወል ዐለው እቲ ለዶል፡ እብ ዐሰር ጭብዕቲ ፈርመ እቲ ወለቀራር ሐልፈ።

ከለኢተትካርም ጸብኢት እንዴ ጀምዐክ እብ ወቅት ዶል ትርእየ ለቀድየት ናይ አቶብዩ ኢኮን። 80 ሰነት እብ ግዴደን ለኢተሌ ጸብኢታት እግልሚ ገብኤ ሀለ፤ ሐርብ እብ ምስምስ ሕዱድ አክል እሊ ከዐይ ደም እግልሚ አትሐዜ እለ ናይ አዜመ እግልሚ ቀንጸት፤ ዲብ አቶብዩ ተቅዩር መጽኦ፡ ሰኒቲ። ሕነ ዲብ አቶብዩ ለሀለ ቴለል ከፎ እንጸብጦ ዐልነ ምን ልትብሀል ምን ሰነት 1992 አሰክ 94 ወሐር እት 95 ፈዓልየት ለረክበ ግዛም ስያሰት አቶብዩ ለአምጸአዩ መሻክል ሀለ። ህቲ ሀይ፡ እት ቀባይል ለትነደቀ ግዛም ስያሰት ተኪል። እንዴ ኢልትብገሰ ረኢይነ ዋዴሕ ዐለ። ምስል ማለሊት ለትራክበነ ለዐለ ናይ 50 ሰነት መቅሬሕ ወመናተሻት ክል ሐቲ እብ ሰዐተ ሰጅልት ሀሌት። ዲብ አቶብዩ ብገዳት ወጠንየት እግል ለሀሌ ገአ ምንገብኤ፡ ገጽ ሐር ዲብ ዘበን እቅጣዕየት እንዴ አቅበልክ ኢኢኮን። ምስል መለሰ ብዙሕ ጋራት እቲ ንትጋሚ ዐልኩ፡ ክምለ ዲብ ካይሮ ለወዴናህ እትለ ገብኤት ምስል ትገሌነ ምንገብኤ ህግዩ ብዕደት የዐለት እነ እብ ክሱሰ ብገዳት ወጠንየቲ ለንትሃጌ። እት 1992 መትዐዳይ አሰክ ዲሞቅራትየት ለልብል ሙእተመር ዲብ አዲሰ አበበ ገብኤ ወሻረክኩ፡ ምስል ክለን ቅዋት ስያሰት ናይለ ዐድ ሀይ ሀደግኩ። 1994 እመጸአከ ሀሌኮ ቤሌኒ ወሰኒ እቤሎ። ሚቲ ምን እቤሎ ሐቲ ጋራት ዲበ ጎማትክ ሐዜ ሀሌኮ ቤለ እብ ነሳሐት። እለ ወሲቀት እለ ቀደም ለገብኤ ልግበኤ አዳም

እግልከ አርእየ ሀሌኮ ረኢይከ መታን እግል ተሀበኒ። ናይ ፊደራላይት ዲሞቅራጥያይት አቶብዩ መስወደት ደሰቲርተ ለወሲቀት። ክእሊ አርእሰ ክቡድቲ ማሚ፡ ወቅት ናይ ሐቲ ምዕል ሀበኒ እግል እቅርኦ ወአሽር እተ እቤሎ። ሰኒ ቀርኦክወ ወደጋገምክወ። ሐቀሀ ‘እንተ መለሱ እሊ እግል አቶብዩ ኢኮን እግል ለገብኤት ደውለት ለገብኤ ደሰቲር ኢኮን። እብላ ደውለት እግል ትንደቅ ኢትቀድር፡ ዲብላ ኢለትሐዜ አከይ መቅሬሕ ወደግሸ እግል ልዋሌቲ ወሐቲ ዶል ለትራየመ ገቢል እግል ትብለሶ ኢትቀድር፡ እለ ወሲቀት እለ ሙሽክለተ ማደት 39 ሌጠ ኢኮን፡ ለመንፈሰ ወጽበጠ እብ ግዴዱ ዲብ አቶብዩ እግል ልሸቄ ለቀድር ኢኮን። ለኢለቀብል ደረር እግል ተአጅሬቲ። እቤሎ። አይወ እለ ክም ትብለኒ አምር ዐልኩ፡ ከሚ፤ ፍክረትክ እግል እስመዕ ፈቲኩ፡ ከረአይ እሊ ደሰቲር እሊ ለሸቄ ኢኮን። ሕነ ላኪን አቶብዩ እለ ኢወዴነ ምንገብኤ እግል ነአትመቃርሐ(ንምረሐ) ይእንቀድር። እትለ ለቀም ወእት ሎሀ ለቀም ብዕድ እንሸግር እሉ፡ ትሰርገልነ ሰኒ ወለትሰረረተ ክል ለቀም እንፈርግዑ ቤሌኒ። ለደሰቲር እት 1995 እት ፍዕል ወዐለ። እት ቅምያት ለተንከበ እዳራት ለብእተ አቶብዩ ፊደራላይት ደሞቅራጥያይት ትብሀለት። እግልከ ኢሸቄ ገብኤ ሕነ ላኪን ህቲቲ ለካርጀነ ክም ቤሌኒ ሕነ ወእንቲም ለልቡሎ ኢሀለ ወጠን ሕድ እት ተአጸብጠ ትገይሰ ድኢኮን እት ፈንጠርት ኢልትገደሰ እቤሎ። እተ እለ ሀበኒ ሕሽመት ሐመድክወ ወህቲመ እተ እሉ ሀብክወ ረኢይ ሐመዴኒ ወእብ ድግማን ሕሰብ እት እንዴ እቤልሉ ትሳረሕኩ። ምናተ እት 1995 ህቲ ለደሰቲር እት ሽቅል ወዐለ። ወእሊቲ ፍንጌ ገባይል እቤ፡ ፍንጌር ወአከይ መቅሬሕ አምጸኦ፡ ወጠን አድዐፊ። አቶብዩ እግል ኖሰ እንዴ ሰክበት እት መስኩብት ብዕዳት ግዴተ እግል ተአውፊ ለዐለት እለ፡ ግዛም ፊደራልየት ቅምያት እቲ የኦብጸሐየ።

ዲብ አቶብዩ ተቅዩር/አትሓያሰ መጽእ ሀለ ክም ትብሀለ ለሀረሰናሁ አርእሰመ ህቲቲ። አቶብዩ እግል ኖሰ እግል ትስከብ ወእት ብዕዳት እግል ትዕዴ ለአዜ ሀለ ግዛም ቅምያት እንዴ ተርፈ መዋዋኒን ክሎም እብ ሕበር ለለእነብር ግዛም እግል ልምጸእ ቡ። ሶማል እላተ ሐቲ ቅምየት፡ ሐቲ ህግዩ ወምሮ ዲን እት ብእተ እት ስያሰት ቀባይል ምን ትሸመመት እት ሰፍ ደውለት ዋድቀት ትነብር ሀሌት። ምነ እግል ንትዐለም ብዬ። ሱዳንመ ለክምሰልሀ።

እት ናይ ማለሊት ምን እንመጽእ ለሐልፈ 50 ሰነት ሀገጊት ከራህየት ወፍተን ልትላከፍ እት ሀለ፡ ኢፋልከ እሊ ኢለትሐዜኩ አጊድ ሐል ንባሰር እሉ እት እንብል እንገይሰ ጸንሐከ። እብ ፍንቲይ ለፍንጌር አሰክ ሐርብ ጌልል ገብኤ ምንገብኤ ለሀደፍነ ሐርብ ከሬዕ ሰበት ገብኤ ገበይ ኢከሀይቡ። እትለ ናይ ማሌ ምን እንመጽኦ፡ አትሓያሰ ልግበኤ ክም ትብሀለ ሐርብ ተዐለነ። ክእነ ሐሰቦ ሀለው ዲብ ኤረትርየ እብ ሚሳይላት እግል ልትዘበዋ ለተሐረ ታርጌታት(አህዳፍ) ዝያድ 70 ሀለ። እሊ እግል ነአብዋሩ ብነ ቤሌኒ ርኢሰ ውዘረእ። ከሕነ አምር ክሉሰ ሐቀ ገብኤ ሚ ኒደዮም ክም እቤሉ አፎ ኢትትሃዦም ቤሌኒ። እግል እትሃዦም መሽክለት አለብዬ ላኪን እት ወቀት ክሉሰ ሚ እግል እበድልቲ ብሀሉ እንዴ ዐልኩ፡ ሕዱድ እምሐጀር ለትፈተሐዩተ አምሱይ

ገድም ደብሬጼን ክምለ እለ ትቤ እት አምሐጀር ምጽእ እቡ። እንጀርብ፡ እትሃዦ፡ እቤሉ ወመጽኦ እቡ። ሻሁድ ኢነሐዜ በይንነ ንትሃጌ፡ እግልሚቲ እግል ሐርብ ባትካም ለሀሌኩም፤ ክም እቤሉ ኢትገብኤኒ ቤሌኒ። እትለ ኢነት እለ ሐርብ ለአትሐዜ፤ እቤሉ ወእብል ትፈናቴኩ ክልኤ ሰለሰ ደጊገት ትገብኤ ለእለ ተሃጌነ።

ለዶል ለዐለ ሽዑር ሐርብ ወጋብኤ ለዐለ መዳላይ መስደመም ቲ። አቶብዩ እብላ ሰላም እግል ትርኩብ ትቀድር፤ ፍሬሁ ሀይ እሊ እንርእዩ ሀሌናቲ። ለክሉ ዕዳይ ለፈዴ ሀይ ለሽዑብ ቲ። እትለ ሐልፈየ 50 ሰነት ክእነ ርኡይ ኢኮን። ሕነ ላኪን አሰክ ደንገበ ደቂቀት ሐርብ ክርዐት ቲ ሀደፍኩ። እሊ አዜ ሀለ መካይድ ናትሐት ሕድ ኢለትሐዜ። ውፋቅ ፕራቶርየ እግልነ ለከሰሰ ኢኮን። ሐርብ በዋረ፡ ሰኒ፡ ሐቀሁ ሀይ፤ ለአጃንደት እት እዴ ሰብላ ዐድ ኢሀሌት። ውፋቅ ፕራቶርየ እት ዐመል ውዕል ምንገብኤ እሊ ክሉ መሻክል ወኢመጽኦ። ላኪን እግል እትፋቅየት ለአዳለው፡ እግሉ እት ግማመት ልከፎ ከአሰለሕ አምሐረ አክሩ ቤለው። ሐርብ ሐዲሰ ፍትሐት ለአትሐዜ የዐለ፡ ለውፋቅ ልተግበር፡ ሐቀ ሐርብ ሀይ ለጀረ ደማር እግል ተሓዬ ብዬ፤ ለሽዑብ ሀይ ምን እኪቲ እግል ለአባሬ ብእቲ። እሊ አዜ ገብኤ ለሀለ ተዕቢኦት ቀትል ጅምለት ጀኖሳይድ፡ ለትወረረ ምድርነ ለልትብሀል አውሃምቲ። ምን ክሉ ለለኢኬ ሀይ ለበሌዕ ሕድ ቲ። ማሌ ምን ሐርብ ወዐሎ ዲብ ልትብሀሎ ወለዐው፡ አዜመ መትካምክ እንዴ ሐናፊጭክ እግል ፊነ መትዳላይ ሚ ለአትሐዜ። ሶሻል መድየ እንዴ ትነፈዕከ ሽዑብክ ኖሰኖሱ ወምስል አግዋሩ ሽዑብ አቶብዩ ወሽዑብ ኤረትርየ እት ዐዳወት አተዮት ሚ መክሰብ ብእቲ። ልባብ ለገብኤ ለሐልፈ ተጃርብ እንዴ ትነፈዕከ ረዩም አንጽር። ፕራቶርየ አየደው ወየአየደው ምን ልብሉነ ሕነ ጋርነ ኢኮን፡ ያሬት ለሀሌት ብቅት እንዴ ትቀንጠጠት ሰላም ወትመደደት። ለአጃንደት ናዮም ኢኮን ናይ ካርጅቲ፡ አግዋር ሕድ ክም በሌዕ ለትወዴ ወእግሉ ገበይ ለተጠሬሕ ዩ ኤን ትመጽኦ። መአሰሳት ብዕድ ራድኢት እግል ነህብቲ ወእግል ነትሐድርቲ ልብል።

ለዋጅበት ላኪን ሽዑብ ርሐ እግል ለአትሐድር ወምስል አግዋሩ እግል ልሰኔ አርድየት አዋፍሖት ቲ። እሊ ዕድር 50 ሰነት ኢልትሳሬ፤ እንቤ ምንገብኤ፡ ሕነ ሰእየት ይእንበትኩ፡ ተጠውራት አከይገበይ ምን ነሰኢ እግል ንክረዕ አዜመ ሐዞትነ እግል ኒዴቲ። እብ ሂቡት አፍካር ልግበኤ ወብዕድ መትሰዳዳይ፡ ናይ ሕምሰ ሰነት ኪልልት ተጅርበት መሲሕ እግል ትብዴ ሰበት አለበ።

ለአግደ ልእኩት እሊ እግል ሽዑብ አቶብዩ ዲብ መትሐማዝ ቅምያት እቲዩ ለሀለ ግዛም ስያሰት እግል ልትቀየር ብእቲ። ገባይል አቶብዩ እብ ሕሽመት፡ ሰዳየት ወአትካማል ሕድ እግል ልምበር፡ ምን ነፍሱ እንዴ ሐልፋመ ምስል አግዋሩ እብ ሰላም እግል ልትመቅረሕ ብእቲ። ሕናመ መርበይነ እግል ኢነኦብዴ አሰር ለትብሀለ እግል ንትገሌ አለብዬ። እትለን ለሐልፈየ ዝያድ ሰላሰ ሰነት ለቀንጸ መሻክል ምንሕድ እግል ለአራመነ ወፍንጌር እግል ልክለቀ እትነ ለለሐዙ ለተለመወ አጃንዳት ካርጅ ሰበት ገብኤ ገበይ እግል ነሀቡ አለብዬ። በዲር ጋበህናሁ ወአዜመ እግል ንጋብሆቲ። ምን 2025 ወሐር እሊ ቲ ዳይኩ፡ እግል ኢገበዮም ከይዶ ለሀለው ሀይ ለከይናትኩም ወዐሎ ምኑ እንብሎም።

ሕግ ስራ

ሕግ ስራ

ዶ/ር ዐብነት ዐብነት



እኛ ብዙ አገልግሎት ሕግ ስራ ስም ናይ ዕለም ቱ ለልትነሰእ። እሴ ሌጠ እንዴ ኢገብእ። እኛ ብዙ መጽሐፍ ዕልም ገጽ ቀደም እግል ቱበል። መገንባት እኛ ሕግ ስራ ዶል ገብእ። ሰኔት ፍገራት እግል ተአምጽእ ለሀላ በክወት ዐቢቱ።

ከምን እሴ ለእንፍህም ምን ተሀሌ። ሕግ ስራ ስም ምህማት። ሕግ ስራ ካሳሰ ዕልም ተ። ልግበእ ደአም ብዝሓም ናይ ካልኣይት ደረጃት ልግበእም ናይ ኩልያት ደረሰ። እግል ሕግ ስራ ክብድት ሕግ ስራ ተ ለልርእው። ወክእኒ እብ ውድዮቶም ህይ እት ክለ ፍገራቶም ተአሲር ተአምጽእ። ላመ ሕግ ስራ ለፈቱ ወእብ ሕግ ስራ ለልትአየሶ ወእብ ውቅል ደረጃት ሕግ ስራ ለልደሐሮ ደረሰ ዕልም ሐድ ቱ።

ከምን እሴ እንዴ አትሌኑ። ሕግ ስራ እብ ከአፎ ገበይ ቀላል ክምተ እንዴ አመርኑ። እብ ደማንት ነሐፍዝ እግል ንርኤቱ።

ሀ. ተርጀመት ናይላ እንሸረሐ ለህሌን አርእስ እግል ደረሰ አፍህማት።

እሴ ፍክር እሴ። እግል መደረሰንተ ለትከሰሱ። ፈሰል ነሐቱ እት ህሌኑ ወቀደም እት ሸፊሕ ወጽበጥ ናይላ አርእስ ነሐቱ ደረሳ። ለአርእስ ሰኔ ፍህማም ክም ህለው እግል ነሐክድ ወጅብ። እሴ ሐቀ ኢወዳኑ። ክመ መሰል ለሐካይም ልትነፍያ በ ተ። በሀለት። “ቀደም እገርለ ሐርማዝ ትመርምር አወል ሐርማዝ ክምቱ ክለ ነፍሱ ረኤ ለትብል” መሰል እግል ኢንግበእ። ሰበት እሴ አወል ለአርእስ ናይላ ደርሱ። ደረሳን ሰኔ ፍህማም ክም ህለው ነሐክድ። እተ ምሰልሁመ ናይላ ነሐደርሰ ህሌን አርእስ መፍህም ወመትዳጣጠ ምሰለ ሕግ ስራ ምሰል ክሉ ምህምቱ።

ክል አርእስ ተአኑበት እት ህሌት ደረሰ። እሴ አርእስ እሴ ሚ ትነፈሰን ገብእ እት ልብሎ ነፍሶም ልትሰአሎ። ከምን እሴ እንዴ ትበገሰ። ምን ለዐል። ፈጅር እግል ልንፈሪክምቱ ወእት እምተሓን እግል ልምጸአኩም። ራቲፅ ወእት ሐያቶም ሚ እግል ልንፍያም ቀድር እግል ነሐፍህም ብከ።

እብ ተውሳክ ህይ ምሰለ ነሐደርሰ ህሌን አርእስ ለገይሰ አምሳል እብ አክቦት ሕግ ስራ እምበል ጨቅት ለትትደረሰ ዶል እንወድዮ። ደረሰ ሰኔ ልፍህሙኑ። ክእኒ ውድዮት ህይ። እት ሕግ ስራ አመርት ዐባይ ተረት በ። ሰበቡ። ሕግ ስራ ሕግ ስራ መብዝሐ ወቅት ፈህምቱ ለልክትሐዝዮ። ደረሳም ምደርሰ ለአርእስ ኢሸርሐዮ

ምን ገብእ። ቀደም እት ሕፍዝ አቲኑ። ተርጀመትላ አርእስ እግል ንፍህም ንጀርብ።

ለ. እብ ለቀለት መሰል ነሐንብት ሕግ ስራ ወቅት ምንላ ቀለት አሰክሰ ከብደት መሰልቱ ለገይሰ። ሰበት እሴ ሰአዮት እንዴ ደኣንበትኩ። እበ ቀሊል ወለነአምሩ አምሳላት እብ መትብጋሰ አሰክ ለኩብደ አርእስ ንሄርር። ናይ ክል ንኢሸ ምዕራፍ ለህሌ። መላመዲ ወእት አክር ምዕራፍ ለልትረኩብ አሰክሰት ሸቅየት እት ፈህምን መረ ምህም ቱ። እግል ሚ እለን አሰክሰት እለን ምሰለ ቀደሚህን ለህሌት አርእስ ለልትዳበጠ ሰበት ተን። እምበል እሴመ እለን አሰክሰት እለን ለሰዴን ምደረሰ ዶል ደኣንረኩብ። ምንላ አርእስ እንዴ ቀረኢን እግል ንብለሰን ለእንቀድር ሰበት ገብአዮ።

ሐ. በሰር መትነፈያት እሴ ምደርሰን ቀደም ሸፊሕ አንበቶት። ምሰለ እግል ነሐድርሰ ሓሰባም ለህሌን አርእስ ለገይሰ። ምሰል እት አምሳይ መንበር ለሳድፍ አምሳል እብ አትዳበጦት። ደረሰ እብ አጥራፎም ክም ልሸዕር እግል ንውዴ ብከ። ደረሳም እት ክም እኒ ለመሰል ሓሳት። ሓጃት ምሰል ደዋይሕን እት ነሐትዳበጥ

NAME _____ SplashLearn

3 Minute Math Addition

Let's see how many problems you can solve in 3 minutes!

18.4 + 59 = _____	40 + 51.22 = _____
92 + 84.3 = _____	61.32 + 81 = _____
72 + 41.7 = _____	49.381 + 60 = _____
16.7 + 61 = _____	41.815 + 32 = _____
88.4 + 79 = _____	29 + 57.751 = _____
25.23 + 78 = _____	14.384 + 73 = _____
59 + 23.81 = _____	35 + 94.245 = _____
91.59 + 37 = _____	15.574 + 11 = _____

www.splashlearn.com

እግል ንድረሰ ንጀርብ። እት ፈህምን ዐባይ ተረት ሰበት በ።

መ. ምሰል ጀግንት እንዴ ገኣን ምህም ጽበጥለ አርእስ እግል ንፍህም ንጀርብ። ወሐቀ ኢትፈህማኑ። እግል ንትሰአል ወጅብ።

ሐት ሐቱ ዶል ምን ሕን ለእንሸቁ እበ ገበይ ወናይን ፈህም። ናይ ብዕዳም እግል ልሐሰ ሰበት ቀድር እብ ደማንት። እግል መልሂት። እለ ፍክር አነ ክእኒ ፍህመ ህሌኑ። እንተ ህይ እት እንብል ንትሰአል።

ረ. አክትበት እንዴ ፈተሽ። ሰኔ ወቀሊል አምሳል ለብኡቱ ወእብ ራትዐት ወቀላል ልቀት ለትኩቱ። ወእግል ልትፈህማ ለቀድር ክታብ ንፈትሽ ወእቡ ሕፍዝ ነሐንብት።

ሰ. ሰአላት እግል ነፍሰን እብ አዳል። ሐቀ ወቅት ሐጢር እብ በይን እግል ንሸቀዮን ንጀርብ ወመልሂትን ንትሰአል።

ቀ. ፍንቱያም ለለክትዐጅሶ አሰክሰት ሕግ ስራ እንዴ ጀመሰን እግል ነፍሰን ንትሰአል ወእንዴ አትሌን ጀመሰን።

ከሓይሳም ሸባን ደረሰ። እት መድረሰት እብ ዕመማይ ወእት ሕግ ስራ እብ ፍንቱ እግል ንትዐውት እለን እት ለዐል ለሰሚናህን ንቃጥ እብ ሞጅብ ንውዴ። ሰበቡ። ሕግ ስራ አሳሰ ወእም ዕልም ሐቀ ገብአት። ክሉ ዐቦትን ወመትቀዳምን እቱቱ ለለክተንኩቱ።

ሰውረት እንዳስትሪ

ሰውረት እንዳስትሪ ሐቱ ምን እድንዮ እትለ ባጽሐተ ለህሌት ደረጃት ተጠውር ምን ለኡብጸሐዮ ሰውረት ሐቱ ተ። እለ ሰውረት እንዳስትሪ እት ወቀሎት ዐማር እብ ተክነሎጂ ወበሐሰ ተረተ ዐባይ ተ። ሰውረት እንዳስትሪ እትለ እብ አዳም ልትሸቁ ለዐለ ምህናት እብ ማሸናት/አላት ልትቀየር እቱ ለዐለ ወቅት ክም አንበተት ልትሸረሕ። እብ ዕመማይ ላኪን ሰውረት እንዳስትሪ እት 1780ታት ምንመ አሰተብደ ሐቀሁ ላኪን ፍንጌ ሰነት 1760 ወ1830 እት ደውለት ብሪጣንዮ ክም ተአንበተት ልትሸረሕ።

ቀደም መትአንባት ሰውረት እንዳስትሪ ክሉ ሸዐብ እድንዮ እት መናበረት ሐርሰ ሌጠ ነብር ክም ዐለ ልትሸረሕ። እትለ ወቅት ለህይ እድንዮ ለልትዐለበ ሐዳት ሸሪካት አፍሪዮት ሌጠ ዐለዮ እተ።

እለን ነሐይሸ ሸሪካት እለን እብ ቅያሰን ነሐይሸ ወእብ ለለክፈርያሁ ሸቅልመ መቀደረትን ሕድት ዐለት። ብዕድመ እብ ዐባዩ ማሸናት እንዴ ኢገብእ። እብ እዴ ለልትሸቁ አላት ተን ለለክፈርያ ለዐለዮ። ሐቀ መትአንባት ሰውረት እንዳስትሪ ላኪን ምን እብ እደይ ልትሸቁ ለዐለ ካድም ሰናዐት። እብ ዐባዩ ማሸናት እት ለልትሸቁ መአሰሳት ሰበት ትቀየረዮ ላመ ካድም ቀለ ወፍራ በዝሐ።

መናበረትለ ሸዐብ ለእት እንዳስትሪ ተረት ለዐለት እለን መዳይን እት ቀልል ክም ንሰት ላመ እት በር ነብር ለዐለ ሸዐብ አሰክ መዳይን እግል ልግዐዝ አንበተ።

እብሊ ህይ ሸዐብ በር እግል ረኪብ ሸቅል እት ምድን ትፈንጠረ። እትሊ ወቅት እሴ ለዐለዮ ሸሪካት ወለ አልፍ ዶል እብ ሐጅም ዐባዩ ወነቲጀተንመ ውቁላት ምንመ ለዐለዮ። እት መንገፎ ወዳፍየት ሸቃለ ለአግድያሁ ካድም ኢዐለ ወመትሐሳረን ድህር ዐለ።

ለበዝሐው ሸቃለ እለን ፋብሪካት እት ምዕል ምን ዐሰር ክልኤ አሰክ ዐሰር ሐምስ ለገብእ ሳቦታት ሸቁ ዐለው። እተይ ናይ እሎም ሸቃለ ሐድ ሌጠ ዐለ እንዴ ኢገብእ እት ሸቅል እት እንቶም ናይላ ሳድፎም መደራት ወንቅሰ ገርብመ እለን መአሰሳት ለለህይባሁ ሰዑር ኢዐለ።

እሴ እት ብሪጣንዮ ሌጠ ሐድድት ለዐለት ሰውረት እንዳስትሪ ወምህናት ተክኒክ ምን ብሪጣንዮ እንዴ ሐልፈት እት ክለን ድወል አርብ ወቅብለት አሚርክ እግል ትትዐዴ ቀድረት።

ተአሲር ናይ እሴ ህይ እት አምሪክ ወክለን ድወል እድንዮ ለሐሰ ሰከክ በዋቢር እግል ልትሸቁ ቀድረ። ለካልኣይ ገጽ ናይ ሰውረት እንዳስትሪ እት ሰነት 1850 ለአንበተት እት ገብእ። ሰብ በሰር ወምህነት እብ ለትወቀለት ደረጃት እግል ልትነፈያ እቡ አንበተው። እሴ ሌጠ እንዴ ኢገብእ ሐረከት ብዝሕት ወሐዳይሰ ሓጃት እግል ልትመሀዮ ክም አንበተው ልትሸረሕ።

እት ሰነት 1900 ሰውረት እንዳስትሪ እት ክለ ፋሰዩ ወግብለታይ ምውዳቅ ጸሓይ አሰዩ ወቻይን እግል ትብጸሕ ወትትወዘዕ ቀድረት። ወለ አልፍ ዶል እት መአንበቲህ ዋጅባት ሸቃለ ተሐፍዝ ምንመ የዐለት ሰውረት እንዳስትሪ። ምን እግል እድንዮ እትለ ለህሌተ ደረጃት እግል ትብጸሕ ክም አተቅደረት ብዝሓም ምኤምረት ለአተፍቅ።

ሀገራችን ለሀገራችን ማድረግ

(2ኛ ክፍል)

ሀገራችን ከፍተኛ ክብር አግኝታለች። ሀገራችን ለሀገራችን ማድረግ አገልግላለች።

(ደብዳቤ አላቤዳ ካርድ)

ሀገራችን እግል እናስ ትራድ ወፋርስ ተሳምሞ ወተክድዕ። ቀረባይ ይቡስ ትወድዳ። እላ አማን እላ ‘ጀነራል ግራንት’ ሐርብ አድሕድ አሜሪካ እግል ልብጠር ቃርብ እቱ ለዐለት ወቅት እቱ ለአከደያ ተ። ጀነራል ግራንት እግል መዲነት

ቀደም ለአን እታከዩ ለዐለት ወቅት ተዓፈኩ። ለሰባ ለእቡ ተዓፈኩ ላኪን ለማይ ለሕፋን ወለከናይን እኩን። ሰባብ ሳፍየቼ ምርት ምን ፍራስ እብ ፈረሱ እት ልሰዱ መደኒ ወጀዋብ ምን “ጀነራል ሊ” እግል ልሰልም ለጠልብ እቱ ዶል ሰለሚኒቱ ለዐለ”!

ግራንት እንዴ አትለ ክም እላ ልብል። “ዶል ለፋርስ መጽሔት አሰክ እላ ለረክሼ እብ አካሉ እብ መጽሔት ጀርሰኔ ዐለ። ዶል ለጀዋብ ቀርአክዋት እቱ ዶልዬ ተማም እብ ተማም ተዓፈኩ።”

እቱ በላኮነትላ ቤቼ እት እላ አካን ለዲብ ክታብዬ እኩትብ ህሌኮ እንዴ ገብአኩ። ከምን ቅብላት ምን ምርት ሐይ። ከም ቤት ተን ለእብ ሰባብ ሀገራችን እት ሐላት ጨቅዋ ዓሳብ ለልትረከብ። ወከም ቤት ብዕዳት እብ ሰባብ ሀገራችን አረይ ሕማም ሱከሪ ለገብአየ እግል አምር እቀድር።

ክመ ልትአመር፣ ቂመት አሰሁም እቱ ቦርሰት ትደሀረት ምን ገብእ፣ ንሰበት ሱከር ዲብ ደም ወሽን ናይላ እት ለመዳረብት ለዐለው አንፋር ትትወቀል።

‘ሞንታኒ’ ለልትባህል ወድ ፈረንሳ ላቱ ፌለሱ። ዕምደት ናይላ እቱ ትወለደ ዐዱ እግል ልግበእ ዶል ተሐረ፣ እግል ጀምሁሩ ክም እላ ቤለዮም። “አን እግል እመርኩም እብ ኩብደቼ ወሽንበኦቼ እንዴ ኢገብእ እብ እዳይ እግል እትሐከም እቱ እት እስትዕዳድ ካምል ህሌኩ። ለግዋራዬ ለእብ ሰባብ ሀገራችን ሕማም ሱከር ለጽብጠዩ ላቱ፣ እግል ቦርሰት እብ እዳሁ እንዴ ኢገብእ እብ ደሙ ወዓሳቡ ቱ ለትሐከመ ዲብ። ወእብሊ ውዳዩ እላ ርሐ እግል ልቅተል ቀርብ” ቤለዮም።


ሀገራችን መጽሔት ሮማቲዝዮም፣ ወሕዋዋ መፋሰል እንዴ ሰበበት እትከ፣ እት ኩርሲ እብ ዐጀላቱ እግል ተአጃግሐክ ትቀድር። ደክቶር ‘ሩሱል ሊ. ሰሰል’ ሙደርስ ኩልየት ዓፍየት እት ጃምዐት ‘ኮርናል’ ወእእንያይ አክሳኢ ናይ ሕማም ሕዋዋ መፋሰል፣ አርበዕ ሕማም ለሰብዐ ዐዋምል ለትከምክም ቃእመት ከረ፣ ህተን ህዬ ክእነ ልብላ።

- ዲብ ህዳይ ለለሐሰል ፈሸል
- በደ ማል፣ አውመ ሐዘን ድቁብ
- በይን ወሀገራችን
- ለኢላኦትካርም መኣሲ

እምበል ሸክ ምን እለን ዐዋምል እለን ለልትፈረዐ፣ ብዝሓት ብዕዳት ዐዋምል እግል ለሀልየ ቀድረ፣ ምናተ ለአግደ ዓማት ላተ እለን ተን።

መሰል እግል እሊ፣ መለሀዬ እት ሐቱ ሸሪኩት ናይ ጋዝ ሸቂ ዐለ። ለሸሪኩት ፈ’ለሰት ከምን ደብአት እምበል ሸቅል ተርፈ፣ ወእብሊ ሰባብ ሙሽክለት ዓዋፍየት ሳይፈቱ። እሲቱ እብ ሕዋዋ መፋሰል ሐመት፣ ወኩሉ እሉ ለጀረበት እበር ወከናይን ነፍዕ ባክ አብ። ሐር ለእናሰ ሸቅል ብዕድ ረክብ ውሓላቱ ለማልየት ምን ትሸበህት፣ ለእሲቱ እቱ ዶል ሐይት። ከሰባብ ሕማም እብ ሙስተቅብል እናሰ ለመጽአተ ሀገራችን ዐለት።

ሀገራችን እግል አዳም ሚ ትወድዩ ክም ህሌት እግል አምር ሐዘኮ ምን ገብእ፣ አሰክ መክተብት አው ሐኪም እግል ኢጊሰ ኢላኦትሐዘኒ። ሚ ደአም፣



“ርትሸሞንድ” እግል መደት ሰዕ ሸሀር ሓሰረዩ። ወእብላ ገብይ እላ ዴሽ “ጀነራል ሊ” ተሀሸመ ወመዕነውያቱ ተሀደመት። አረይ ሰፍረ ሰበት ገብአ ፍረቅ ካምለት እግል ትሀረብ ለአንበተት እቱ ቴለል ትከለቀ። ወገሌህን ፍረቅ እቱ መዐስከራተን እት እንተን ልትባከየ ወልትዋዐየ ወእኪት እንዴ ረአየ ደዓታተን ወድዋ ዐለዩ። ለነሃየት ሰበት ቀርቦት ጅኑድ “ጀነራል ሊ” ኩሉ እት መዲነት “ሪትሸሞንድ” ለልትረከብ መካዝን ወማላት እንዴ አንደደዉ ጽልመት ላሊ አትሐገው ከሀርበው። ‘ግራንት’ ዴሹ እብ ማኖም ወገለሀም እንዴ ገብአ እሉም እት ለአትጋልዎም፣ ለፍራስ ለ ‘ሸሪዳን’ መርሐም ለዐላመ እብ ምን ቀደሞም እንዴ ሐልፈው ልትካርፎም ዐለው። ‘ግራንት’ ረአሱ ሰበት አምጸዩ ምን ጄሹ ተርፈ፣ ከዲብ እብ እንክር ግራሆም ምን ልትረከብ ዐዶታት እት ሐቱ ቤት አተ። እብ ክሱስ እሊ እት ሙዝክራቱ ክም እላ ልብል። “መጽሔትላ እገርዬ እብ ማይ ሕፋን እታምከ ትመዩ። ወጀላብ መጽሔት አብራክዬ ወኩሉ መፋሰልዬ ከናይን በለዕኩ። ከዐፋይ እት አን እግል አጽቤሕ ሰእየት ወዴኮ! ፈጅራተ አሰቡሕ ተዓፈኩ።

ከባብ

መገርማይ መክፍካይ ኢገብእ

ሐቱ ምዕል፣ አርት መልክ እግል ኩሉም ረሳሚን እንዴ ትላክ ሱረቱ እግል ልርሰሞ እሉ ጠልብ ምናም። ምናተ ለሱረቱ ምን ዕዩቡ ላቶም ጋራት ሐበት ክም ኢትትረኤ እቱ ክም ወጅብ ጠልብ ምናም። ለረሳሚን ክሉም አበው እሉ! ለመልክ ሐቱ ዕንቱ ዐለ። ህቶም እዚ እብ ክም ከአፎ ትምስል ገብይ እብ ክልኤ ዕንቱ እግል ልርሰሙ ቀድሮ ለኢገብእ ጋር ገብአ እቶም። ወእምበልሃመ ህቱ ሐንኪሽ ሰበት ዐለ እብ አየ ገብይ ምስል ክልኤ እገር ሰሊማት እግል ልርሰሙ ቀድሮ? ምናተ እሊ ኩሉ አዳም አቢ እሉ እት እንቱ። አርት ረሳም ህዬ ለሱረት እግል ልርሰሙ ለጠልብ ትከበትዩ ወእብ ዐመል ሱረት ሰኔ ግርም ጀላላት ለመልክ ለልትረኤ ዲብ እላ ረሰመ። እብ ከፎ ገብእ?

እግል መልክ ብግሩ እት እንቱ ወባሩደት ንዕዮ ራፍዕ እት እንቱ ትካየለዩ (ሐቱ ዕንቱ እግል ሊኔሽን እብ እቅሙጪ ክም ህለ እሙር ጋር ቱ ወለ ሐንኪሽት እግሩ እግል ለክፍ እግል ልትወጤ ዐጽፈዩ። ወእብላ ገብይ እላ ሱረት ሰኔ ግርምት ወሐበት ምን ዕዩብ ለመልክ ለኢልትረኤ ዲብ እብ ቀሊል ብስር እግል ልርሰሞ ቀድረ።

ያሬት ሕናመ ብዕዳም ለእላ ተዐየበው ልትዐየቦ እብላ እላ ብነ መቅደረት ዕዩቦም ለሰትር ክም እሊ መስል ሰወር ሰኔ እግል ንርሰም እሉም ምን እንጀራርብ። ወእለን ሱወር እለን እት ብዕዳም ነዕድዮን እት ህሌነ በህለት እብ ክሱሶም ምስል ብዕዳም ነህድግ እት ህሌነ፣ ለዕዩቦም ክም ትትሰተር እሉም ምን እንወዴ በህለት ዔብ ለአለቡ ወድ ሚን ኣደም ሰበት የሀለ። ወክል ዶል ለሐሰው ጋራት ናይ ርሕነ ወብዕዳም እግል ንሕሬ ብዲብነ። ወለ ኢፋሉታይ ሸካነት ናይን ልግበእ መናይ ብዕዳም ጀላብ ራሐትነ ወራሐት ብዕዳም ብዙሕ ባል ምን ኢነህይቡ ወሐሰ። ለገብእ በኒ ኣደም፣ ዕዩብ ብዕዳም እንዴ ኢለአቀምት እት ሰልፍ ኩሉ ዔብ ርሐ ለአቀምት ምን ለዐሌ ዔብ ለቡ ኣደሚ በታተን ወኢትረክበ።

ተብሰም



አርት እናስ እግል እት መክተብት ዓመት ሸቂ ለዐለ ሙወዘፍ ክም እላ እት ልብል ትሰአለዩ፣ ገሌ እላ እቀርእ ሓጀት እብ ሚ ትትወሰኒ? ለሙወዘፍ ሰኔ ልወቅ እት እንቱ፣ ሓጀት ክብድት ተሐይሰ እትከ መቀላል ቤለዩ።

ለእናስ ህዬ፣ ደሐን ቱ ወትክበድ ወትቅለል ሙሽክለት ኢኮን ዐረብዩት ብጎርዬ ቤለዩ።

እሊ ሌጠ እንዴ ኢገብእ፣ ሀገራችን መጽሔት አንያብ ተአመጽእ። ደክቶር ‘ውልያም ማክ ኮኔል’ እት እጅትማዕ ‘አምሪካይ መሕበር ሕክምነ አንያብ’ ለአሰመዐየ ከሊመት ክም እላ ቤለ። “ለእንፍዓላት ለሀገራችን ወፈርሀት፣ ወአከይ መቅርሕ ትሉሉይ ለሰብ” እግል ሚዛን ናይላ እት ገርብ ለልትረከብ ካልሰዩም ሰበት ለአዝዩ፣ እብ ሰበቡ መጽሔት አንያብ ወመትናቃሉ ለዐሬ። ደክቶር ‘ማክ ኮኔል’ እንዴ አትዐረ፣ ምርት እናስ አንያቡ ሰኔ ሰሊም ወዐፋይ ዐለ። እሲቱ አመቱ ኢተአመረት ሕማም ምን

ጽብጠዩ እት ሀገራችን ትርድት ትከረ። ወእብሊ ሰባብ እት ቀበትለ ሰለስ ሳምን ለእሲቱ እት ዕያደት ክልአተን ሰቡዕ ኒበት እግል ልንቀል ትቀሰበ።

መደት ሐ’ጫር እወዴ፣ ምስል ምርት መልሀዬ ቅደት ፋግረት እቱ ለዐለት፣ ምርት ኡሙር አክሳኢ ናይላ ሕማም እግል እቃብል አሰክ ‘ፊላዴልፍየ’ ጊሰኩ። ዲብ ለሕክምነ ለዐለ ሐኪም እት ብርዋዝ እንዴ ከትብ እቱ ዕያደቱ ሳቅለ ለዐለ ነሲሐት እሉው ትመሰለክ? እላተ። አን እቱ ወቅት ለሀይ እት ኖተቼ እንዴ ከተብክወ ሐፈዝክወ።

ዲበ እት የም 16 ኖቨምበር 2024 እት አስመረ ለጉበኣ መሕበር ግማት ዕግል ትግራይት እት ዓማት አክባር፡ ሐቲ እግል ዝክረት ናይለ ቀደም 111 ሰነት በህለት ዲብ ሰነት 1913 ለትከበት ሕላየት ዋርዶ እድሪስ ወድ ሃኪን ወሐመድ ሉል እብ ገበይ ተምሲልየት እብ ሰሕፍዩን ኣድም ሳልሕ ኣብሓሪሽ (ኬርቡ) ወሳልሕ ሙስ ወድ ሐቢብ (ተሰፋጮን) ቅድምት ዐለት። ከጽበዋለ ተምሲልየት እሊ ተሌ ቲ።

ኬርቡ= ም ተሰፋጮን፡ በኪት ትትማዩ መ ከአፎ ህሌኩ፡ መብሉዋ ወርዮሕን?
ተሰፋጮን= ረቢ ልትሐመድ፡ ሸክር እግሉ፡ እንተ ህዩ ከአፎ ህሌክ? ወአክባር ሚ ህለ?
ኬርቡ= አክባር እዩ ትሰአል ምኑ ህሌክ እሊ ረዋዲ ወትልፍዝዮናት ሰምዑ ይህሌኩ፡ ላኪን ለመዘዒን?
ህግዩ አከወ፡ ከሊማትነ በደ፡ ህግዩ ትግራይት ሕባራት ነሰአየ በሰ።
ተሰፋጮን= ከሚቲ ለከሊማት ለተሓባበረ ትብል ህሌክ ወሚ ልትበህል?
ኬርቡ= ኮንዶእ እግሉ አነ ሚ ደሌኮ እክ?
ተሰፋጮን= እሊቲ ለጌን፡ ሱሕፍዩን ህግዩ ጊጊት ምን ልትነፍዖ አፎ ለራትዐት ኢተአስእሎም፡ በሰ
ህግዩ አከት፡ ህግዩ ሕባራት ነሰአየ ሌጠ እግል ኒበል አለብን።
ኬርቡ= ደሐንቲ ደሐን አዜ የም ሚ ቲ እብ ውራቅክ አስክ አየ ትትገምቤ ህሌክ?
ተሰፋጮን= ኖሰክ ኢኮን ለለአክ ዲብዩ አፎ ክም ቃዊ ትሰአልከኒ፡ ወእተ ውራቅ ለቴልካሁ ህዩ
ሐመድ እድሪስ ማሌ ምሴት፡ ኬርቡ እግል እትዋረደክ ሸበበኒ ቤሌክ ቤሌኒ ማሚ?
ኬርቡ= (ልትሰሐቅ)፡ አብጽሑክ ተ ለልእኮቼ፡ አነ እትዋረደካመ ይዐልኮ፡ ላኪን፡ ገሌ አዳም ምህር
እግል ዐባዩ ለደርሰው ህዩ፡ ሚ ነፈዐት ወዱ ህለው ልብሎ ዶል ሰምዐክምም፡ እለ ህግዩሆም
እግል አትዕሶም ወሕነ ለምህር ዐባዩ ዳርሳም አክል አዩ መቅደረት ክም ብኒ እግል ነአርእዮም
ወለህግዩሆም እግል ነአገልግሎም እንዴ እቤ እበ ለአኮ ዲብክ ትኩም ጅግረ ህሌት እግልነ።
ተሰፋጮን= ከአዜ አነ ወእንተ ሚ እግል ኒዴ ቲ ወሚ ጅግራተ ህተ?
ኬርቡ= አብዕሶታትክ እብ ሕላይ ልትዋረዶ ነብረው ወሕናመ ለአብዕሶታት ዘበን ቴክኖሎጂ፡ ናይናተ
እግል ኒበል እሉ እሊ መሕበር ግሱይ። አዜ እንተ ትቀርእ ማሚ?
ተሰፋጮን= አፎ ኢቀርአኮ፡ ግድም ምን መደት ሕርየት ወሐር ፈድል ምህር እግል ዐባዩ ተዐለምነ ኢኮን።
ኬርቡ= ከከም ፈሰል ባጽሕ

ህሌክ ምን ሕርየት አስክ እለ ሃድል የም?
ተሰፋጮን= በይብይ ሐድ ዳርሰ ይህሌኮ፡ ራብዓይ በጽሐኮ።
ኬርቡ= ዩእ ብሩየ ግበእ! ምን ሕርየት አስክ እለ እት ራብዓይ ታብሪክ ዋዲ ህሌኩ፡ ምነ ምዕላይ ለህ ዝያድ 30 ፈሰልመ ወበጽሐክ ኢነፍዐክ ድኢኮን። አነ ሐይሰክ ለቀደም 6 ሰነት አቴኮ። ሓይምሳይ ፈሰል ምኑ እንዴ ተዐዳኮ፡ አስክ ሳድሰ እገይሰ ህሌኮ።
ተሰፋጮን= ከእምበል አር ፈሰል እቡ ሓልፍዩ ህሌኮ፡ ወህቲመ ያረይ የም ዓመት ሀርብቡ መሰለኒ
ዕምር ምን ለሀይበኒ፡ አዜ ህግዩ እንዴ ኢትአበዜሕ፡ ለመሕበርመ ልትጸበረነ ህሌ፡ እተ ዋርዶክ እቴ።
ኬርቡ= አብዕሶታትክ ከረ እድሪስ ወድ ሃኪን ወሐመድ ሉል ሰብ ፈዳብያም ነብረው። ከሰነት ሐቲ
እብ ሕላይ እት ሕድ ገብአው



ቤለው። ከአዜ ለሕላየም እግል እሊ መሕበር ዕጉል እግል ንቅርኡ እንዴ እቤ፡ ለአኮ ዲብኩ ወክም አጀግረካመ ሸክ አለብዩ።
ተሰፋጮን= ደሐን ቲ እንታዲ ወአነ እጀግር ቲ ወእንተ።
ኬርቡ= ከከላሰ አንብት ግድም፡ ህቶም ላቲ ሰብ ሀረሚት ዐለው ወምን ረአሶም ሕላይ እቡ ልትጃገር
ነብረው ኢኮን፡ ለደቅቦም ለሀበከ።
ተሰፋጮን= ከአዜ ሕላይ ቀዳምያም እንደግም ህሌኒ ኢኮን፡ እንተ ለናይ እድሪስ ወድ ሃኪን ሕላይ
እግል ቲበል ቲ፡ መለናይ ሐመድ ሉል?
ኬርቡ= አና ላቲ፡ ለናይ አቡዩ እድሪስ ወድ-ሃኪን ሓሪ ህሌኮ።


ከግድም አተንሴ።
ተሰፋጮን= አንብት ሌጠ አተንሴክ ህሌኮ።
ወድ-ሃኪን=
ለአምር ሕላይ ሐቆናቲ - ዲብ ሚ ቲ ለ ሐመድ ሉል ሐሌ አር ወድ ገበህቲ - ወሐሌ አርት ዕመር ዋዑም አርት ሐሌ አብ ሕመድቲ - ወተእ ኢኮን ወግሉል ድመል ግድዐት ከልአተ - ወጋሻይ በይን ኢምግዱር።
ሐመድ ሉል=
መጸአናክ ወድ ሸግራይ - ግድም ትከምከም ወትዳሌ ወእግል ምን ሕድ ንእዘምቲ - ወእግል ሰኒ ንትሓሌ ሕነ ሕላይቲ መለሀይነ - ለሕነ ወህቲ ንትጋሚ
እብ ከብድኒ እንፍህሙ - ወእብ ሕልቅምነ እንቃኔ ክም እክል ንዖብሩ - እንደብድሩ ወእንፋራ ክም ፍሶ ነዐልቡ - ክም ዋከትለ ሕዳሌ ሕዱግ እግልናቲ ዲብ ዐድነ - መለሀይ ለእሉ ንትፋኔ ምን ግድዐት ተሌነ - ወእት አስማጥነ እንካሬ እብ ምንክቡ ገድ አክ - ወድ አብ እኩይቲ ልትፈሌ እት ምብኣይ ጸነሐክ - ክማ

ሰቅለ ዕርጋሌ።
ወድ ሃኪን፡ ሐሌ ዕመር ዋዑምቲ - ወወድ ገበህ-መ ልብሎ ሐሌ ወድ ግርሚት ቲ - እብ ዐረብመ ወጥኖ ዲብ ሚ ቤ ለ ሐመድ ሉል - ለአነ ሐይሰ ምን ክሉ እት አተል ወድየ እኩ ግሉል ምንዲ ትመክሩ።
ሐመድ ሉል=
ሐሌ ዕመር ዋዑምቲ - ወሐሌ አሚር ወድ ገበህ ሐሌ ወድ ግርሚትቲ - ክል ምዕል እቡ ልትረበሕ ትበኣሰነ ወድ ሃኪን - ቀድበ ዲብክ ልደበሕ እድሪስ ሕላይ ምን አምር- እጅ ሐኩ ልትከበህ



ግራቡ ለአገርም - ሐሊብመ ምንዲ ልትበበሕ።
ወድ ሃኪን=
ወድ ግርሚት አስእሎ - ዘምትት ለበዐለ አስምዖ እለ እዛዝ ወዕጃል ወድ ዳርሼሕ - እብ አምሳላት ልቡለ እድሪስ ወፍካክ ወድ ገብራሰ - ዱረ አምር ወዕሹረ ህግዩ ለበዐለ ከልአየ - ከድብእ ዲብ ለሐዱረ።
ሐመድ ሉል=
ከድመ ዲብናቲ ወድ ሃኪን - እለ ድቢት ብህላይት አርት እናሰ ኢኮኒ - ሐርማዝመ ትቀትሎ ሰዳይት ምን ቀደም ረገዙ - ወምን ረሐር ዲብለ ነዳይት ምግግዝ ፋርህ ህሌኮ - ሀረብ ወአከይ መካይድ ጽብጦ ፋርህ ህሌኮ - ወእሰራት ክምሰል አባይት ውጽዔ ፋርህ ህሌኮ - እኪት ተ ከንፈር ዋራይት።
ወድ ሃኪን፡ መለሀይ ግድም ፋርህክ ህሌኮ፡ ግድም ወዐል ምንዩ ከእሊ እበን እግሉ ሕሌ።
ሐመድ ሉል፡ እበንመ ወእድሪስ - ጸገም ለአውሕድ ኢተአምሰል ለመዐር እትለ አግባቡ - መሕበር እካቲ እት ዕዝል ዲብ አካኑ ጸነሐክ - ኢልትአረጽ ወኢለአብር አባይክ ትላክፍ እቡ - እንዴ ተዓሬ ለአረዝን ዲብ ሐሊብክ ትከርዩ - ቀዴ እልክ ወሐፍን ለጥተ ቤቲ ቲ - ከሌብ እሉ ሰብ አቅብር አታፍእ ወድም - አንሰ እቲ ለአበሽል መጥሐን ገብእ ወምደት - ዐርሰት እንዶ ነአሰፍል ሰራይር ነዐቅብ እቡ - ቀይም እክል ምን በሽል” ወድ ሃኪን፡ ም ሐመድ ሉል፡ እንዴ ለዕጩመ ናዩተ ሀበኩ።
ሐመድ ሉል=
ዕጩመ ምዕርክያት ቲ - እምበል እቡ ሚ እነብር

ቀጸር ገብእ ወጥረ - ቲር ገብእ ወሐክል ንዌ ገብእ ወመግዘም - አስክ እሊ ደረክን ክላል ገብእ እግል ረአሰ - ወመጥቅሐ እሳት ለአፈግር መተረአሰ ወድወ - ወጢሾ ለዲብ ነአፈግር እግል አክዋር ጸርቡ - ጠቢብ ላቲ በዐል ብሰር እግሉ እንሰ ሐማሳት - ወእግል አፍሩሰ አሸግር።
ወድ ሃኪን = መለሀይ ግድም ማይ ወንዋይ ታርፍክ ህሌ፡ ህቲመ ኢትትረሰዑ፡ ብዕደት ላቲ ታርፈት ህሌት ሚ ቡ፡ ዐጃይብ!
ሐመድ ሉል፡ ማይ ክለ አርወሐትናቲ - እምበል እቡ ሚ እነብር ዝላም ዘልመት ምንገብእ - ሰዐርቲ ለእሉ ተአፈግር ወሰዐርመ ‘ሐ’ ትበልዑ - ክእቡ ትገብእ ዐጀግል ግኔ ትወዴ ወድርቂቅ - ዐንጎ ትወዴ ወሸብር ጸላም ወመንክ - ቀደም እበን እንበድር ሰገ ለጸዓዲ - ጎባል መሰል ዐሸብል ጽረው በቃሪ - መርዒ ጋብእ ዘረዘር ዐረሲት ለእት ሰንኩይ - ዲብ ኢትረግእ ኢነዐድል ዋከትለ ሐጫር - ትመሌሕ እልክ ወትፈጥር መዐጊይ መቃጥን - ዐንጎ ጋብእ ጀለጅል መራኪት ለእት ንሳል - ግቡል በለዐ እት ሸክር ሚተ ገብእ ለተወክ - ምን ዐራዶ ሚ ትፈግር አስክ ጨፍዐ ወሸንተ - አስክ ቀርነ ወጽፍር።
ኬርቡ= መለሀይ ግድም፡ እለ የም ምዕላይት ላቲ እጅጉርዩ ህሌኮ፡ ሓሪት ህዩ ምስል ህሌኒ ኢኮን ህለ ኖሱ ለካልቅ።
ተሰፋጮን= ግድም ከምከም እነ ጀበነት እግል ንሰቲ።
ኬርቡ= ህዩ ከመ ሄርር እልኮ።



ዑቅባይ ጸጋይ፣ፕላት መራቶን ቲፎፒይ ሳልሳይ ሪግጊ



ዑቅባይ ምን ድማን ሳልሳይ ለሀላ

ኤርትራ አትሌት ዑቅባይ ጸጋይ፣ ሰንበት ዐባይ ዲብ ታይዋን ዲብ ገብአ ናይ ደሀብ ደረጃት ለቡ “መራቶን ታይፒይ” ሳልሳይ አተ። እሊ 42.2 ኪሎምትር ለገልበበ ጅግረ ሰዐይ መራቶን፣ ወድ ኬንያ ብሪግግን ኪፕኮሪር እብ 2ሳዐት፣

መዳልየት ነሓስ ስርጉይ ሀላ። እምበል እሊመ፡ ኤርትራ አትሌት ሄኖክ ተስፋይ፣ እብ 2ሳይ 17ይ፡09ካ፣ ሳድሳይ ደረጃት ሐጠጠ። እት ሰነት 1986 ለአንበተ መራቶን ታይፒይ፣ ሰኒን ብዙሕ ለአትላርም ወሽብብ እንዴ ዐላ፡ ምን ሰነት 2001 ወእንዜ ላኪን፣ እት ክል-ሐል እብ ንዝም ገበዩ ልሄርር ሀላ። ነፍሱ እሊ ሰዐይ መራቶን ዲብ እብ ውላድ፣ እት ሰነት 2020 ወድ ኬንያ ፖል ሎንዮንጋተ ለወቀረዩ ናይ 2 ሳዐት፣ 9 ደቂቀት ወ18 ካልኢት ርቅም ቅያሲ፣ ለትዐርረዩ አትሌት ሰበት ይሀላ። አስክ እሊ ለሸፍገ ወክድ እት እንቱ ሰጃል ሀላ። እሊ ጅግረ መራቶን ታይፒይ እግል አዋልድመ ለልአሻርክ ቱ።

ፕሪመር ሊግ እት 16ይት ሳምንቱ



ማንዩናይትድ እግል ማንሲቲ 2-1

ለድቁብ ፍረቅ ዱለት እንግሊዝ ፕሪመር ሊግ እትለ ሳምንመ ናይ ድንኪክ ትልህያታቱ ወዴ አሰንበተ። ገሌሁ ፍረቅ እት ሰቡረት ንቀጥ ገጹ ለዐል ለዐስቅ እት ሀላ፡

ቼልሲ እግል ብሬንትፎርድ 2-1፣ ቶትንሃም እግል ሳውዛምፕተን 5-0፣ ማንዩናይትድ እግል ማንሲቲ 2-1፣ ክሪስታል ፓላስ እግል ብራይተን 3-1፣ ኖትንግሃም ፎሬስት እግል አስቶን ቪሊ 2-1፣ ኢፕስታውን እግል ዎልቭስ 2-1 ወኒውካሰል እግል ሌሴስተር ሲቲ 4-0 ቀልበዎም። ለትዓደለ ፍረቅ ህዩ፡ አርሰናል ወኒቨርተን 0-0፣ ቦርኔማውዝ ወዊስትሃም 1-1፣ ክምስልሁመ ፉልሃም ወሊቨርፑል 2-2 ትፈናተው። ዮም ዓመት ትልህያታት ፕሪመርሊግ ጅግረ ሰኔት ለኢህሌት ዲቡ እንዴ ትብህላመ እብ መሐልሊን ርዶደት ልትቀዩም ሀላ። ሰበቡ ለድቁብ ፍረቅ ተሐት ወለነኣይሽ ገጹ ለዐል እት ለዐርግ ዶል ትርእዩ፣ ለጅግረ ሐዋኒት ክም



ኒውካሰል እግል ሌሴስተር ሲቲ 4-0

ገሌሁ ህዩ ምድር ለለደደ ዲቡ ትልህያታት እግል ልትረኤ ላዝም ወሊቨርፑል ለወደዉ ትልህያታት ሞት ወሐዮት ቱ። ፍገራትለ ፍረቅ ምን እንረኤ፡ ህሌት ልትረኤከ። እት ጅግራታት ፕሪመር ሊግ ፈዳብዮም መተልህየት ብዝሓም

አዱሊስ ወአ ' ተሕሪር፡ ናይ ሰልፍ ዐውቴሆም እቡ ለአሽብርቆ

ጅግራታት ሱፐር ዲቪዝዮን 'ኤ' ኮበሪት እግር አቅሊም ምግብ፡ ለሐልፊት ሰንበት-ዐባይ እት ስታድዮም አስመረ እተ አተላለ ዲቡ ወክድ፡ ለሀረሚት ፍረቅ አዱሊስ ወአ'ተሕሪር ሰልፋይ ዐውቴሆም ሰጀለው። ምስል ቅዋት ጀው ለተልሀ ፈሪቅ አዱሊስ፡ እት ሐልፈዩ ሰለስ ትልህያሁ-ሸመት ቅልብ ሌጠ ለብስ ው'ሮሕ እንዴ ዐላ፡ እትለ ትልህየ ላኪን ዲብ 63 ደቂቀት ናሆም በራኺ እብ አተዩ እሉ ጎል ዩቲም፡ 1-0 ቀልበ ኩትዐውተ። ናሆም ህዩ ለሐሰ መተልህያይለ ምሴት ገብአ። ዮም ዓመት ምን ካልኣይ ዲቪዝዮን እት ሱፐር-ዲቪዝዮን ለትዐደ ወእብ ታምም ንቀጥ ልሄርር ለጸንሐ ፈሪቅ ቅዋት ጀው፡ እግል ሰልፍ ኢንቱ ሸመት ቅልብ ለብሰ። ለእመራም ፍረቅ አ'ተሕሪር ወአስመረ ቢራመ እት ምዕል ለሀ ለገብአት ትልህያሆም፡ ብዝሓም ፈተች ኮበሪት እግር ልታከወ ለዐለው ቱ። አስመረ ቢረ እትለ ትልህየ እል ሐምስ ንቅጠት ዲብ ቡ ሜዳን ልትከሬ ዲብ ሀላ፡ አ'ተሕሪር ሐ'በት ንቅጠትመ ይዐለት እሉ። ወእብሊ አ'ተሕሪር እት 84 ደቂቀት ሚሮን ዐንዶም እብ አተዩ ዎሮ



ጎል፡ ናይ ሰልፍ ሰለስ ንቅጠት ዐውቴ እግል ልጅቀፍ ቀድረ። እሊ ጅግረ ማሌ ምሴትመ በሐር ቀዩሕ ምስል ፓራ-ዲዞ፡ ጎዳይፍ ምስል ማይ ተመናይ፡ ክምስልሁመ ሸርከት ብእኦ ሰምበል ምስል ደንደን ተልሀው ላኪን ለፍገሪት ኢበጽሐተኹ። እምበል እሊመ ሰንበት ንኢሽ ትልህያታት ካልኣይ ዲቪዝዮን ናይ ሰነት 2025 ምውሰም ራዶደቱ አንበተ። እብሊ ህዩ፡ ገዝ ባንደ ወማይ-ተመናይ ሰልፍ ለተልሀ ፍረቅ እት ገብኦ፡ ገዛባንዳ ክብርም ኤሽን ወዳንኤል ቀሊት አግዋል እንዴ አተው እሉ 2-0 ቀልበ። ትልህየ ፍረቅ ሸርከት ብእኦ ሳዋ ወዕዳጋ ሐመሰመ 2-2 ተመት። ዕዳገ ሐመሰ እብ ሰም ኢሲያስ ወዳዊት አብረሃም፡ ፈሪቅ ሳዋ ህዩ እብ ሮቤል ሀብቴማርያም ወአማንኤል ተሰፋገርጊስ አግዋል አተው። ቅዋት ጀው ህዩ፡ ነፈሩ ሐዩሎም ሀብቴማርያም ሃትሪክ ዲብ ሸቀ እት ትልህየ እግል ፈሪቅ አክርዮ 3-0 ቀልበዩ።

ሰልፋያም 5 ፍረቅ ፕሪመርሊግ		
1.ሊቨርፑል	-----	36 ንቅጠት
2. ቼልሲ	-----	34 ንቅጠት
3. አርሰናል	-----	30 ንቅጠት
4. ኖትንግሃም	-----	28 ንቅጠት
5. ማንሲቲ	-----	27 ንቅጠት



ቼልሲ ወብሬንትፎርድ (2-1)

